


0 10 20 30 40 50 60 70 80 90 100 110 120 130 140 150 160

Inches  
Centimetres  
1 2 3 4 5 6 7 8 9 10 11 12 13 14 15 16 17 18 19  
TIFFEN Color Control Patches  
© The Tiffen Company, 2007

49: 3715  
1036  
=1



王蘭泉比部纂

# 明詞綜

計十二卷

序

國初朱竹垞太史集三唐五代宋金元之詞汰其蕪雜  
簡其精粹成詞綜三十六卷汪氏晉賢刻之爲後世言  
詞者之準則予尙以其不及明詞爲憾蓋明初詞人猶  
沿虞伯生張仲舉之舊不乖於風雅及永樂以後南宋  
諸名家詞皆不顯於世惟花間草堂諸集盛行至楊用  
修王元美諸公小令中調頗有可取而長調則均雜於  
俚俗矣然一代之詞亦有不可盡廢者故  
御選歷代詩餘擷取者一百六十餘家予友桐鄉汪康  
古又謂竹垞太史於明詞曾選有數卷未及刊行今其

本尙存汪氏頻訪之而不得嘉慶庚申遇汪小海於武林則太史未刻之本在焉於是卽其所有合以生平所搜輯得三百八十家共成十二卷彙而鐫之以附詞綜之後選擇大旨亦悉以南宋名家爲宗庶成太史之志云爾嘉慶七年八月青浦王昶撰

明詞綜目錄

卷一

仁宗皇帝 宣宗皇帝 周憲王 劉基

張以寧 韓守益 吳瓊 梁寅

高啟 楊基 高明 劉崧

黃澄 程本立 姚廣孝 解縉

王洪 胡儼 瞿祐 謝應芳

張甬

卷二

鐵鉉 莫璠 李禎 王直

徐有貞 趙迪 戴璉 商輅

聶大年 王越 張寧 湯允勣

李東陽 姚綬 沈周 桑悅

吳寬 王鏊 吳洪 趙寬

楊循吉 賈宏 蔣冕 王鴻儒

夏鍬 史鑑 張旭 祝允明

李夢陽 顧潛 朱諫 王九思

邊貢 顧璘 唐寅 周用

陳震 王廷相

卷三

陸深 王韋 韓邦奇 丁奉

吳山 楊慎 齊之鸞 盧雍

張縉 桂華 李濂 崔桐

趙金 夏言 文徵明 陳鐸

謝承舉 陸楫 徐階 盧襄

陸邨 楊儀 呂希周 王慎中

吳子孝 陳如綸 薛廷寵 閔如霖

駱文盛 許穀 蔡宗堯

卷四

陳鏊 萬士和 李攀龍 周思兼

文 彭 王世貞 孫 樓 王好問

趙大佑 邵圭潔 鄔仁卿 吳邦楨

于 未 王世懋 王錫爵 張鳳翼

高 濂 徐 渭 陳 淳 彭 年

林 章 夏樹芳 支大綸 趙南星

屠 隆 馮 琦 湯顯祖 袁 黃

焦 竑 陳繼儒 王冑堂 儲昌祚

卓發之 賀彥發 楊繼禮

卷五

李日華 查應光 范鳳翼 支如玉

吳 克 費元祿 俞 彥 王 衡

吳宗達 雷 迅 魏大中 陳翼飛

吳宗儒 焦源溥 方于魯 錢士升

錢繼登 劉榮嗣 魏浣初 阮大鍼

王 坊 鄭士奇 張名由 黃承聖

莫是龍 徐 燝 張 瑋 彭紹賢

吳鼎芳 馬 洪 施紹莘 董斯張

顧同應 馮盛世 范文光 孫茂芝

徐召麟 王 屋 葉紹袁 陸錫明

卷注 范 洵 汪廷訥

卷六

馮鼎位

葛一龍

茅維

卓人月

湯傳楹

楊士聰

萬壽祺

支如增

劉侗

路適

吳本泰

錢繼章

歐陽鉉

陳子龍

方大猷

錢棟

夏允彝

來集之

單恂

黃周星

周世臣

王彥壯

金俊明

錢應金

方以智

萬日吉

呂福生

沈案

宋存標

卷七

朱一是

錢棻

關鍵

魏學濂

吳易

王泰際

宮偉鏐

沈龍

徐遠

吳開禮

夏完淳

沈泓

吳熙

沈廉

沈自炳

韓曾駒

歸莊

張綱孫

周永年

許友

韓洽

蔣平階

于儒穎

周積賢

吳騏

計南陽

張天湜

金是瀛

沈謙

李標

卷八

魏允紳

張逸

李元組

李明嶽

胡偕行

程靜

張大烈

程可中

秦瀚先

錢繼振

張杞

于玉班

沈懋德

查維宏

胡介

顧德基

俞汝言

戈止

孟稱舜

王化龍

蔣爾璵

周珽

邵梅芳

邵麟

徐士俊

皮丹生

卷九

錢澄之

錢光繡

季孟蓮

賀裳

李燁

王翊

沈目徵

沈際飛

姜實節

錢士賁

杜濬

紀映鍾

陸嘉淑

韓純玉

周箕

朱茂暉

孫紹祖

顧朝楨

顧志

裘昌今

張蘭草

卷十

張文秀

陸亮輔

裘濟律

唐世瀚

李伊玉

胡文煥

江廣

顧衆

喻綜

張仲立

倪撫

徐爾鉉

卷十一

沈鍾鶴

陸釋麟

梁木公

秦公庸

梁希聲

吳莫勝

陳琴溪

張卿玉

天隨子	杜陵生	無名氏	釋涵初
道源	今釋	一六靈	張無為

卷十一

黃氏	劉中碧	端淑卿	顧文婉
袁彤芳	王鳳嫺	陸卿子	龍輔
徐媛	張鴻逵	瞿寄安	朱盛藻
沈宜修	張倩倩	葉小紈	沈憲英
項蘭貞	商景蘭	李玉照	葉紈紈
葉小鸞	沈靜專	儲氏	申蕙
張嫺倩	歸淑芬	吳綃	顧道善

卷十二

謝季蘭	陳氏	張引元	王朗
吳山	龐蕙纓	沈素嘉	徐元端
周蘭秀	武氏	翁孺安	李端卿
韓知珩	吳卞	顧若璞	錢氏
郭瑋	紀映淮	黃鴻	張紅橋
范妹	錢涓	馬守貞	劉勝
楊炎	薛素素	朱無瑕	王毓貞
白旃香	趙燕	馬如玉	楊宛
王微	鄭妥	陳冉	花夢月

景翩翩 張婉 朔朝霞 王月

寇瞻如 崔嫣然 顧文 王養玉

尹春 呼舉 沙宛在 京師妓

蘇世讓 鎖懋堅 王氏 沈靜筠

元妙洞天少女 鄭婉娥 翠微

王秋英 吳 吳

吳 吳 吳

吳 吳 吳

吳 吳 吳

明詞綜卷一

青浦王昶

仁宗皇帝一首 宣宗皇帝一首

周憲王一首 劉基九首

張以寧一首 韓守益一首

貝瓊一首 梁寅二首

高啟四首 楊基七首

高明六首 劉昫四首

黃澄一首 程本立一首

姚廣孝一首 解縉一首



王洪一首

胡儼一首

瞿祐一首

謝應芳三首

張育六首

仁宗皇帝

蝶戀花

九月海棠

煙抹霜林秋欲褪吹破胭脂猶覺西風嫩一作潤翠袖怯

寒愁一寸誰傳庭院黃昏信明月羞修一作容生遠恨

旋摘餘嬌簪滿宮人髻醉倚小闌花影近一作暈不應先

有春風分

宣宗皇帝

醉太平

賜學士沈度

晨雲散雨收花苑內鳴鳩曉來喜見日光浮暖融融永

晝麥苗潤澤懷清秀榴花濕映紅光溜田家歌舞盡

歌謳是處慶豐年醉酒

周憲王

名有墩定王長子

藺皋集周憲王遭世隆平奉藩多暇留心翰墨製誠齋樂府傳奇若千種流傳內府至今中原絃索多用之李夢陽泮中元宵絕句云中山孺子倚新妝趙女燕姬總擅場齊唱憲王新樂府金梁橋外月如霜

鷓鴣天

賦繡鞋

花簇香鈎淺浣塵輕風微露石榴裙金蓮自是慳三寸

難載盈盈一段春 僊已去事猶存陽臺何處更為雲  
相思攜手遊春日尚帶年時草露痕

劉基

字伯溫青田人元進士入明以佐命功官至御史中丞封誠意伯正德中追謚文成有誠

意劉文成公集

古今詞話青田謁金門云風嫋嫋吹綠一庭

春草轉應曲云秋雨秋窗外白楊自語青

門引云相憐自有明月照人肺腑清如水漁

家傲云亂鴉啼破樓頭鼓花犯云餘香怨繡

被踏莎行云愁如溪水暫時平雨聲一夜依

然滿渡江雲云定巢新燕子睡起雕梁對立

整烏衣山鬼謠云離魂常在郊樹月深星暗

蒼梧遠化作杜鵑歸去皆妙麗入神句

元美云伯溫儂纖有致去宋尚隔一塵

如夢令

一抹斜陽沙背幾點閒鷗草際烏榜小漁舟搖過半江  
秋水風起風起權入白蘋花裡

浣溪沙

細草垂楊村巷幽白沙素石引溪流青苔磯上有扁舟  
門外好山開卷畫屋頭新月學簾鈞窗風一榻似新

秋

眼兒媚

煙草萋萋小樓西雲壓鴈聲低兩行疎柳一絲殘照數  
點鴉棲 春山碧樹秋重綠人在武陵溪無情明月有  
情歸夢同到幽閨

少年遊

清風收雨輕雲漏月涼氣入幽窗亂葉吟朝饑蟲啼夜  
各自奏新腔 孤鴻又向天邊落歸夢阻蒼江百結愁  
腸兩行衰髻寂寞對清飴

小重山

月滿江城秋夜長西風吹不斷桂花香碧天如水露華  
涼人難見有淚在羅裳 何許鴈南翔堪憐一片影落  
瀟湘百年身世費思量空回首故國渺蒼茫

臨江仙

荷鼓無聲春漏咽不知殘夜如何玉繩歷落耿銀河鵲  
鷲穿暗樹露墜滴寒莎 夢裏相逢還共說五湖煙水  
漁蓑鏡中綠髮漸無多淚如霜後葉撼撼下庭柯

千秋歲

淡烟平楚又送玉孫去花有淚鶯無語芭蕉心一寸楊  
柳絲千縷今夜雨定應化作相思樹 憶昔歡遊處觸  
目成前古良會知何許百盃桑落酒三疊陽關句情未  
了月明潮上迷津渚

瑞龍吟

秋光好無柰錦帳香消繡幃寒早鈞簾人立西風送書  
過鴈依然又到 故鄉杳空把淚隨江水夢縈江草何

時賦得歸來倚松對柳開尊醉倒 衰髯不堪臨鏡鏡  
中愁見蓬飛絲繞門外遠山青青長帶斜照石泉澗月  
辜負夜猿嘯傷心處風凋露渚荷枯煙沼燕去元蟬老  
滿天細雨鳴羈鳥花蔓當簷裊庭院靜遙聞清砧聲擣  
擁衾背壁一燈紅小

張以寧

字志道古田人元末官翰林學士承旨明初例徙南京召為侍讀學士有翠屏集四卷

明月生南浦

廣州南漢士劉鋹故宮鐵鑄四柱猶存周覽嘆息之餘夜泊三江口夢中

作一詞覽而忘之但記二句云千古興亡多少恨總付潮回去因隲括為此詞

海角亭前秋草路榕葉風清吹散蠻烟霧一笑英雄曾

割據癡兒卻被潘郎誤 寶氣銷沉無覓處薛暈猶殘

鐵鑄遺宮柱千古興亡知幾度海門依舊潮來去

韓守益

字仲修石首人明初以儒士攝教空都擢春坊中允有樗壽藁

蘇武慢

江亭遠眺

地湧岷峨天開巫峽江勢西來百折擊楫中流投鞭思  
濟多少昔時豪傑鶴渚沙明鷗灘雪淨小艇鳴榔初歇  
喜憑闌握手危亭偏稱詩心澄徹 還記取王粲樓前  
呂岳磯外別樣水光山色煙霞僊館金碧浮圖盡屬楚  
南奇絕紫雲簫待綠醕杯停咫尺良宵明月撫高歌一  
曲清詞徧徹馮夷宮闕

貝 瓊 字廷臣一字廷琚崇德人洪武初徵修元史除國子助教有清江集三十卷

水龍吟 春思

楚天歸鴈千行一書不寄相思苦忽忽過了踏青時節  
更愁風雨燕子黃昏海棠春曉幾番淒楚問誰能為寫  
重重別恨算除有江淹賦 尙記銀屏翠箔抱琵琶夜  
調新譜芳年易度沈腰寬盡白頭如許弱水三千武陵  
一曲重尋何處奈無情杜宇年年此日到淮南路

梁 寅 字孟敬新喻人洪武初徵修禮書書成以疾辭歸結屋石門山有石門集二卷

浣溪沙

錦樹分明上苑花晴光空日又空霞碧煙橫處有人家

綠似鴨頭松下水白于魚腹柳邊沙一溪雲影鴈飛

斜

高 啟 字季迪長洲人隱吳淞江之青邱自號青邱子洪武初召入纂修元史授編修擢戶部侍郎有扣舷詞一卷

古今詞話青邱樂府大致以疎曠見長而石州樓又極纏綿之致

行香子

如此紅妝不見春光向菊前蓮後纔芳鴈來時節寒浥  
羅裳正一番風一番雨一番霜 蘭舟不採寂寞橫塘  
強相依暮柳成行湘江路遠吳苑池荒恨月濛濛人杳  
杳水茫茫

沁園春 鴈

木落時來花發時歸年又一年記南樓望信夕陽簾外  
西窗驚夢夜雨燈前寫月書斜戰霜陣整橫破瀟湘萬  
里天風吹斷見兩三低去似落箏絃 相呼共宿寒烟  
想只在蘆花淺水邊恨鳴鳴戍角忽催飛起悠悠漁火  
長照愁眠隴塞間關江湖冷落莫戀遺糧猶在田須高  
舉教弋人空慕雲海茫然

楊基

字孟載嘉州人大父仕江左遂家吳中洪武初加榮陽縣歷山西按察副使有眉菴詞樂府紀問楊孟載少時見楊廉夫命賦鐵笛詩成廉夫喜曰吾意詩境荒矣今當讓子一頭地當時有老楊小楊之目眉菴詞饒有新致前志居詩話孟載詩芳草漸于歌館密

落花偏向舞筵多細柳已黃千萬縷小桃初白兩三花布穀雨晴空種藥葡萄水暖欲生芽雨韻風韻枝外蝶柳遮花映樹頭鶯燕子綠燕三月雨杏花春水一羣鷓江浦荷花雙鷺雨驛亭楊柳一蟬風一路詩從愁裏得二分春向客中過立近晚風迷蝶坐臨秋水映芙蓉羅幕有香鶯夢暖綺窗無月鴈聲寒眉暈淺顰橫曉綠臉消殘膩春紅小雨送花青見萼輕雷催笋抽尖蠶屋柘煙朝焙蘭鶴爐沉火畫熏茶試填入浣溪沙皆絕妙好辭也

清平樂

欺煙困雨拂拂愁千縷曾把腰肢羞舞女贏得輕盈如  
許猶寒未暖時光將昏漸曉池塘記取春來楊柳風  
流全在輕黃

浣溪沙

花朝

明詞卷一

鸞股先尋鬪草釵鳳頭先繡踏青鞵衣裳宮樣不須裁  
軟玉鏤成鸚鵡架泥金鑄就牡丹牌明朝相約看花  
來

夏初臨

瘦綠添肥病紅催老園林昨夜春歸深院東風輕羅試  
著單衣雨餘門掩斜暉看梅梁乳燕初飛荷錢猶小芭  
蕉漸長新竹成圍何郎粉淡荀令香銷紫鸞夢遠青  
鳥書稀新愁舊恨在他紅藥欄西記得當時水晶簾一  
架薔薇有誰知千山杜鵑無數鶯啼

多麗

問鶯花晚來何事蕭索是東風釀成新雨參差吹滿樓  
閣碎寒金再簪寶髻靈犀鎮重護香幄杏惱生紅桃緘  
碧向人憔悴未舒萼念惟有淡黃楊柳搖曳映珠箔  
凭闌久春鴻去盡錦字誰託一柰夢裏清歌妙舞覺來  
偏更情惡聽高樓數聲羌笛管多少梅花驚落鴛帶慵  
寬鳳鞋懶繡新晴誰與其行樂料在楚雲湘水深處望  
黃鶴天涯路計程難定長恁飄泊

燭影搖紅

簾

花影重重亂紋匝地無人卷有誰惆悵立黃昏疎映宮

妝淺只有楊花得見解匆匆尋芳覓便多情長在暮雨  
迴廊夜香庭院 曾記揚州紅樓十里東風軟腰肢半

露玉娉婷猶恨蓬山遠閑悶如今怎遣看草色青青似  
翦且教高揭放數點春一雙新燕

高

明字則誠瑞安人元至正間官處州錄事初召修元史以老病辭歸

鷓鴣天

題顧氏景鈞堂

綠玉參差傍短楹高堂清夢已冥冥滿枝只帶湘靈點

一曲空聽秦鳳鳴

天莫問物多情此君瀟灑若平生

風聲月色來亭榭老淚年來濕幾更

劉

昺字彥章鄱陽人安慶左丞余闕待以國士後歸明太祖授中書博士廳諮議典籤有春雨

軒詞一卷

浪淘沙

寒食

石逕土牆斜桃李桑麻紙錢飛處亂啼鴉閒趁斜陽攜

榼去寒食人家

苑樹憶天涯滄海恨琵琶銅駝衰草臥

龍沙漠寢唐陵無麥飯暮雨梨花

滿江紅

寄水北山人徐宗周

水北幽居抱柴門一溪寒玉山萬疊青林當戶白雲連

谷乳燕落紅春又晚柴桑三徑多松菊喜新晴布穀又

催畊秧分綠

牀頭酒何時熟謀諸婦明朝漉謾黃雞

炊黍共邀鄰曲舊夢風雲銷俠氣繁華看破知榮辱繫

明詞總卷一  
扁舟罷釣晚歸來書還讀

木蘭花慢 辛酉九日

寫長空一鴈又景物是重陽甚雨暗東籬數枝青蕓未  
放秋香指筇倦登高處掩柴門衰柳映橫塘日暮江聲  
袞袞西風鬢影蒼蒼 當年歌舞翠紅鄉一曲杜韋娘  
曾擊碎珊瑚玉人扶醉銀燭成行回頭已成陳迹早歸  
來茅屋石田荒謾把清樽遣興都非少日疎狂

憶秦娥

溪頭柳青青折贈行人手行人手最傷心處西風重九  
陽關一曲長亭酒停鞭欲去仍回首仍回首少年離

別老來依舊

黃澄 洪武初人

賣花聲

人過天街曉色擔頭紅紫滿筠筐浮花浪蕊畫簾睡醒  
正眼橫秋水聽新腔一回催起 吟紅叫白報得蜂兒  
知未隔東西餘音軟美迎門爭買早斜簪雲髻助春嬌  
粉香簾底

程本立

字原道桐鄉人洪武九年以明經薦爲周秦二府引禮官至僉都御史有吳隱齋集

清平樂

山翁歸去記得來時路雨漲溪泉人不渡花外鳥啼何

處 人間不是山中高懷都付絲桐一曲瑤池宴罷春  
風吹盡殘紅

姚廣孝

字斯道長洲人幼名天僖後為僧名道衍以靖難功為僧錄左善世加太子少師復姓賜今名有逃虛集

轉應曲

斜日斜日門外馬蹄聲疾林棲鳥盡飛還霞彩紅銜遠  
山山遠山遠莫怪行人歸晚

解 縉

字大神吉水人洪武二十一年進士官翰林學士出為廣西參議有春兩齋集十卷古今詞話成祖於中秋夜開宴賞月月為雲掩命解縉賦之縉遂口占落梅風一調云嫦娥面今夜圓下雲簾不著羣仙見揀今宵倚闌不去眠看誰過廣寒宮殿成祖覽之歡甚

長相思

寄友

吳山深越山深空谷佳人金玉音有誰知此心 夜沈

沈漏沈沈閒卻梅花一曲琴高松對竹林

王 洪

字希範仁和人洪武三十年進士永樂初授吏科給事中又翰林為檢討與修大典歷修撰侍講

卜算子

半道春紅

宿雨漲春流曉日紅千樹幾度尋芳載酒來自與春風  
遇 弱水與桃源有路從教去不見西湖柳萬絲滿地

飛殘絮

胡儼 字若思南昌人洪武三十年會試乙科官華亭縣教諭累遷國子監祭酒有頤菴集

三臺令

樓上角聲嗚咽天邊斗柄橫斜酒醒風驚簾幙漏殘月在梅花

瞿祐 字宗吉錢唐人洪武中以薦歷宜陽訓導陞周府長史永樂間謫保安洪熙元年放還有樂府遺音五卷

西湖志餘瞿宗吉風情麗逸著翦燈新話及樂府歌詞多假倚翠之語為時傳誦及謫戍保安當興安失守邊境蕭條永樂己亥降佛由子塞外選子弟唱之時值元宵作望江南立首詞旨凄絕聞者皆為泣下袁彥紳于宗吉為大父行彥紳作梅詞霜天曉角柳詞柳梢青各一百首號梅柳爭春宗吉一日盡和之彥紳大驚嘆呼為小友宗吉以此知名

後彥紳自南荒歸葬西湖宗吉作詩送之云一去西川隔夜臺忽看白堊瘞蒼苔酒明詩友凋零盡只有存齋冒雨來存齋宗吉自號也

摸魚子 蘇堤春曉

望西湖柳煙花霧樓下弄遠非近蘇堤十里籠春曉山色空濛難認風漸順忽聽得鳴榔驚起沙鷗陣瑤階露潤把繡幕微寒紗窗半啟未審甚時分 凭闌處水影初浮日暈遊船未許開盡賣花聲裏香塵起羅帳玉人猶困君莫問君不見繁華易覺光陰迅先尋芳信怕綠葉成陰紅英結子畱作異時恨

謝應芳 字子蘭武進人寓居青浦有龜巢集二十卷詞附

點絳脣

老眼猶明著書未了餘生債客來休怪淡飯黃蔬菜  
踏雪觀梅清興依然在南門外夜來尋戴扶醉馱驢背

滿江紅

舊約尋梅蹉跎過小春時節忽隴頭人至一枝先折喜  
見春風顏色好縞衣不受緇塵涅把十年湖海舊相知  
從頭說 三江上滄洲雪千墩下珠林月似許詢支遁  
總皆清絕重看青山攜素手此情方解相思結待滿湖  
水泮柳風清孤舟發

張

肯

字繼孟浚儀人有夢菴詞一卷

買陂塘

賦東郭草堂

愛草堂帶村連郭門前碧水千頃秋波冷浸遙山晚青  
鏡淨涵省影沙浦迥怪隔水漁歌鷗夢都驚醒時乘小  
艇向柳外花邊載詩載酒獨盡漫游興 謾重省且得  
身閑心靜樂事自甘瓢飲好懷誰道中年減佳趣更多  
吟咏口轉徑門正對朝陽不怕梅花冷流連暮景有容  
我為鄰相依卜築共爾兩家隱

浪淘沙

味莎灘

雨過碧雲秋占斷灘頭滄浪翻處濕纖柔誰展翠茵平  
似翦宿鷺眠鷗 沙尾遠凝眸雨慘烟愁萋萋不共水

東流幾度漁人來  
傍宿綠映孤舟

醉落魄 咏苔徑

翠鈿狼藉綠圓點  
點濃如積芳痕  
漲雨凝寒碧一片  
濃陰休掃坐來石  
徑深不教殘陽入  
茸茸不似春紅色  
芳塵淨洗無纖迹  
吟客來時只恐印行屐

如夢令 咏石徑

庭掩塵蹤靜  
悄雨長苔痕  
繚繞行處不妨  
花容我醉眠  
偏好休掃  
休掃待積落紅多少

聲聲慢

晴山鳴月冷  
江皋歲寒解后  
相逢攜手歸來輕盈一

樣春容行行間  
鳴環珮暗香霏縹緲  
東風弄花手與安  
排金屋其貯芳穠  
雅淡暗通心素笑  
桃根桃葉冷艷  
妖紅試問韶華樽  
前若箇情濃想是  
喬家姊妹可人處  
清致皆同春正好  
淡眉山愁減幾重

明詞綜卷一

明詞綜卷二

青浦 王利纂

鐵鉉 一首

莫璠 二首

李禎 一首

王直 一首

徐有貞 一首

趙迪 一首

戴璉 一首

簡輅 一首

聶大年 三首

王越 一首

張寧 一首

湯允勳 一首

李東陽 一首

姚綬 一首

沈周 一首

桑悅 一首

章懋一首

吳寬一首

王鏊一首

吳洪一首

趙寬一首

楊循吉一首

費宏一首

蔣冕一首

王鴻儒一首

夏鏞一首

史鑑一首

張旭一首

祝允明一首

李夢陽一首

顧潛四首

朱諫一首

王九思一首

邊貢一首

顧璘二首

唐寅一首

周用二首

陳霆二首

王廷相一首

鐵鉉 字鼎石鄧縣人洪武中由國子生授禮科給事中歷官兵部尚書死靖難之變

浣溪沙

晚出閒庭看海棠風流學得內家妝小釵橫戴一枝芳

削玉梳斜雲鬢膩鏤金衣透雪肌香暗思何事立斜

陽

莫璠 字仲璵錢塘人

蝶戀花 蘇堤春曉

十里樓臺花霧繞宜雨宜晴山色籠春曉楊柳梢頭殘

月小海棠枝上猶啼鳥 蘭帳玉人初睡覺試問樓前  
畫舫開多少報道尋芳人起早紫騮嘶過香塵道

又 麴院荷風

五月涼風來麴院綠水芙蓉紅白都開徧風遞荷香情  
不斷採蓮舟過歌聲緩 醉折碧筒供笑玩翠蓋紅綃  
高下翻零亂向晚新涼生酒面六銖衣薄停紈扇

李

禎 字昌祺廬陵人永樂二年進士官河南左布政有倚菴詩餘二卷

柳梢青 題秋塘圖

落盡芙蓉收殘菱芡晚色淒迷斷荷隨流枯荷折柄秋  
滿蘇堤 沙禽自在幽棲極浦外天連水低粉墜蓮房

波漂菰米烟暝湖西

王

直 字行儉泰和人永樂二年進士歷官吏部尚書卒贈太保謚文端有抑菴集

浪淘沙

風暖翠烟飄殘雪都消遊絲百尺墮晴霄可惜春光容  
易過又近花朝 驅馬第三橋芳意蕭條竹林渾未放  
天桃瘦盡城南千樹柳不似宮腰

徐有貞

初名瑄字元玉吳縣人宣德八年進士歷官華蓋殿大學士封武功伯謫戍雲南有武功生集

千秋歲引

風攪柳絲雨揉花纈蚤過了清明時節新來燕子語何

多老去鶯花飛未歇秋千院蹴鞠場人蹤絕 踏青拾  
翠都休說是誰馬走章臺雪是誰簫弄秦樓月從前已  
是無情緒可奈而今更離別一回頭人千里腸百結

趙迪

字景哲懷安人官德十年舉  
人官南海縣知縣有鳴秋集

踏莎行

送友人還山中

逕轉清溪花飛紅雨武陵風景知何處當年厭聽水聲  
寒豈知忘却來時路 水邊人家烟迷津樹晚峯江上  
青無數幽人此別更多情移家歸向山中住

戴璉

字汝器南海人正統  
三年舉人官訓導

滿庭芳

竹隱寒煙菊凝晚露空階霜月微明小窗寂靜四壁響  
蟲聲風細金爐香裊穿花影數點飛螢良夜永悶無情  
緒獨坐對長檠 玉人音信斷巫山雲鎖洛浦煙橫奈  
魚沉雁杳誰訴衷情新酒難降舊恨佳期誤檐鵲無憑  
愁人處更闌酒醒孤枕夢難成

商輅

字宏載淳安人正統十年進士自鄉會試至  
殿試皆第一歷官吏部尚書謹身殿大學士

益文毅有素菴  
集六卷詞附

古今詞話商輅菴負鼎鉉重望而小詞明淨  
簡鍊亦復沾沾自喜今讀其旅情春暮秋月  
退食諸篇不墮時趨自有殊致其一叢花咏  
初春云東風有信無人見露微意柳際花邊  
尤覺妥帖輕圓也

一叢花 初春

今年春淺曠侵年冰雪破春妍東風有信無人見露微  
意柳際花邊寒夜縱長孤衾易煖鐘鼓漸清圓 朝來  
初日半銜山樓閣淡疎烟遊人便作尋芳計小桃杏應  
已爭先衰病少情疎慵白放唯愛日高眠

聶大年

字壽卿臨川人正統間官仁  
和縣教諭景泰初徵入翰林  
堯山堂外紀云東軒集有玉樓人醉東風曉  
高卷紅簾看杏花真詞筆也

卜筮子

楊柳小蠻腰慣逐東風舞學得琵琶出教坊不是商人  
婦 忙整玉搔頭春筍纖纖露老却江南杜牧之嬾為

秋娘賦

粉淚濕鮫綃只恐郎情薄夢到巫山第幾重酒醒燈花

落 數日尚春寒未把羅衣著眉黛含顰為阿誰但悔  
從前錯

臨江仙

半道春紅

記得武林門外路雨餘芳艸蒙茸杏花深巷酒旗風紫  
騮嘶過處隨意數殘紅 有約玉人同載酒夕陽歸路  
西東舞裙歌扇繡簾櫺昔游成一夢試問賣花翁

王

越

字世昌涪縣人景泰二年進士歷官兵部尚  
書封威寧伯卒贈太傅謚襄敏有雲山老嬾

集四卷  
詞附

浪淘沙

遠水接天浮渺渺扁舟去時花雨送春愁今日歸來黃  
葉開又是深秋聚散兩悠悠白了人頭片帆飛影下  
中流載得古今多少恨都付沙鷗

張寧

字靜之海鹽人景泰五年進士官禮  
科給事中有方洲集四十一卷詞附

滿江紅

題碧梧翠竹送李易春

一曲清商人別後故園幾度想翠竹碧梧風采舊遊何  
處三徑西風秋共老滿庭疎雨春都過看蒼苔白石易  
黃昏愁無數嶧山畔淇泉路空回首佳期誤歎舞鸞

鳴鳳歸來遲暮冷淡還如西礪草淒迷番作江東樹且  
留他素管候冰絲重相和

湯允勤

字公讓鳳陽人東甌襄武王曾  
孫歷官延綏參將有東谷集

浣溪沙

燕壘雛空日正長一川殘雨映斜陽鷓鴣晒翅滿魚梁  
榴葉擁花當北戶竹根抽笋出東牆小庭孤坐嬾衣

裳

李東陽

字賓之茶陵人天順八年進士歷官吏部  
尚書華蓋殿大學士謚文正有懷麓堂集

雨中花

題画

正愛月來雲破那更柳眼花卧簾幙風微秋千人靜酒

盡春無那 迢遞高樓孤寂坐 縹渺笛聲飛墮 恨曲短  
宵長院深牆迥 憑仗風吹過

姚

綬

字公綬嘉善人天順八年進士官監察御史有毅菴集

玉樓春

春日

東風寒悄人何處 百里幽閑猶未遇 看春不覺又清明  
檻外梨花開幾樹 相思心逐東流去 老天肯把韶光  
駐陌頭楊柳正青青 莫教容易飛花絮

沈

周

字啟南長洲人舉賢良不赴工詩画有石田集八卷

鷓鴣天

柳

慣得輕柔綺陌中 幾枝斜映驛亭紅 微煙啁雀金猶嬾

細雨藏鴉綠未濃

攀傍岸折隨風管人離別思無窮

開花更是無聊賴 一片西飛一片東

桑

悅

字民懌常熟人成化元年舉人官柳州通判有思元集十六卷

虞美人

春曉憶長沙作

細雨梨花春夢破 梁燕將愁訴 薄陰小閣日曛曛 寶篆  
輕烟一縷 裊東風 星沙舊占遊歌處 清景難留住 王  
孫芳草最多情 萬里和煙隨我到邊城

吳

寬

字原博長洲人成化八年賜進士第一人翰林歷官禮部尚書卒贈太子太保謚文定有

匏菴集

者舊續聞吳匏菴詞有繁花落盡留紅藥新筍叢生帶綠苔名句也時有趙寬字栗夫為

鮑菴所取士詞名半江集鮑菴嘗曰不遇吳寬爭得趙寬

採桑子

纖雲盡卷天如水蘆荻風殘松竹霜寒更看前溪月滿  
山 畫船紅映金尊酒子夜歌闌緩吹輕彈得意人生  
且盡歡

王

鏊

字濟之吳縣人成化十一年進士歷官戶部尚書武英殿大學士謚文恪有文恪公集三

阮郎歸

行年六十鬢爛爛皇恩特放還高堂設席對青山秋來  
正未聞 陰忽霽暑初殘笙歌夜未闌傍人莫笑老嗤

頑人生到此難

吳

洪

字禹疇吳江人成化十一年進士歷官刑部尚書

早梅芳

柳將眠桃欲笑又是清明到玉河水泮無數金魚弄池  
藻聯車油壁軟並馬絲鞭裊喜鳳城麗景游覽趁春曉  
望瀛洲紛翠葆花滿瓊華島玉竦西去金碧觚稜聳  
雲表散衙常過午下直須歸早更相期提壺同藉艸

趙

寬

字栗夫吳江人成化十七年進士歷官刑部郎中出為廣東按察使有半江集

減字木蘭花

姚江阻雨

寒風吹水微波皺作魚鱗起白雨橫秋秋色蕭條動客

舟 疎鐘何處知在前村黃葉樹茅屋誰家荒徑無人  
菊自花

楊循吉

字君謙吳縣人成化二十年進士官禮部主事有南峯逸藁

洞仙歌

題酒家壁

吳郊春滿綠艸熏南陌風弄輕帘小橋側敗荒垣濃麗  
幾樹天桃彷彿似薄醉西施顏色 醞香飄十里更着

流鶯亂擲金梭向林織天宇淨繁芳日暖蜂遊早攔住

高陽狂客便典却羅衫又何妨算容易飛花韶光難得

費

宏 字子充鉛山人成化二十三年賜進士第一歷官華蓋殿大學士卒贈太保謚文憲有費

文憲公集七卷

西江月

舟中夜行獨坐無酒撫卷作

霜月高懸碧漢畫船自泛寒江銀燈獨對夜何長窗外

浮光蕩漾 可怪麴生疎濶開來冷落瓊觴思量無計

助清狂且與青編相向

蔣

冕

字敬之全州人成化二十三年進士歷官戶部尚書謹身殿大學士卒贈少師謚文定有

湘臯集二卷

呂調陽云湘臯樂府若碧水芙蓉不假雕飾而天巧自在

卜算子

斜日墜荒山雲黑天垂暮時見空中一雁來冷入殘蘆  
去 驚起却低飛有意同誰語咏盡枝頭數點霜還向

空中舉

王鴻儒 字懋學南陽人成化二十三年進士歷官南京戶部尚書謚文莊有凝齋集十一卷

踏莎行 賞菊

燕子初歸芙蓉乍老蒼苔院落桐陰小一簾疎雨晚來晴繁香不斷寒花裊著譜人非餐英事香風流未必今時少且須痛飲讀離騷靈修豈肯捐芳草

轉應曲

金井金井梧葉銀床露冷千門萬戶砧聲北斗城頭月明明月明月偏照旅人華髮

夏鏃 字德樹天台人成化二十年進士歷官大理評事

阮郎歸

賭酒明湖未放船時節欲開蓮壁後茶鎗幾點烟聽雨小窗眠雲解凍水平田蛙聲又一年晚晴花草落愁邊呼童問酒錢

臨江仙

榴葉竹屏閒處好香街雨夢無緣聽人說著指瓊鞭玉樓嗔短舞書枕愜高眠幾夜晚眠還早起城中一半風烟畫橋架水綠陰連柳眉傷老大鶯口弄清圓

史鑑 字明古吳江人有西村集入卷詞附

浣溪沙 夏夕賞蓮

水面風來晚更宜酒香荷氣水沉微誰家長笛倚樓吹  
五月梅花今夜落千門梧葉未秋飛不知零露濕人衣

又

曲水流通濯錦紅新門移轉納香風畫舟時傍彩雲中  
半夜月明歌楚調雙蓮波冷泣吳宮鴛鴦驚散各西

東

望江南

閻尙溫招飲湖中

船櫂處恰是藕花洲別處歌聲剛得借去時春色那堪  
留花落水空流天漸晚臨去更回頭山翠遠如眉黛

曉湖光疑似眼波秋越女不勝愁

臨江仙

贈余浩

秋水芙蓉江上飲憐渠無限風流紅牙低按小梁州澹  
雲拖急雨依約見江樓最是采蓮人似玉相逢並著  
蓮舟唱歌歸去水悠悠清砧孤館夜明月太湖秋

解連環

送別

銷魂時候正落花成陣可人分手縱臨別重訂佳期恐  
軟語無憑盛歡難又雨外春山會人意與眉交皺望行  
舟漸隱恨殺當年手栽楊柳別離事人生常有底何  
須爲著成个消瘦但若是兩情長便海角天涯等是相

守潮水西流肯寄我鯉魚雙否倘明年來遊燈市爲儂

沽酒

張旭 字延曠休寧人成化二十年舉人有梅嶼小稿

點絳脣

卜盡金錢閑愁暗逐遊思起雲鬆螺髻眉減春山翠

試捲珠簾風香生袂涼如水惜花心碎忍把闌干倚

祝允明 字希哲長洲人宏治五年舉人官天府通判有懷里堂集三十卷

蝶戀花 贈妓

開樽窺春花性淺未了粧梳小顰脣朱點玉絮吹寒飛

力鞭深深繡戶珠簾掩 斯放臨時仍泥戀一把風情

錯認徐娘減略綽暈香紅半片闌干回首東風遠

李夢陽 字獻吉慶陽人徙大梁宏治六年進士官江西提學副使

如夢令

昨夜洞房春暖燭盡琵琶聲緩閒步倚闌干人在天涯

近遠影轉影轉月壓海棠枝軟

顧潛 字孔昭崑山人宏治九年進士官御史有靜觀堂集十三卷詞附

醉春風

紫燕歸來兩雲蹤無處訪桃花開後海棠開想想

日城邊斷霞樓角綠波蘭漿 錦瑟縈塵網香篆消羅

幌更闌酒醒夢難成響響響芳樹敲風空塔滴雨倍添

洞仙歌

自書

婁江一碧動鱸魚佳興浩蕩鷗波放烟艇過溪橋十里  
 香稻垂花秋未晚遠渚芙蓉萬柄野翁能愛我酌酒  
 烹雞何處漁歌更堪聽醉起試推篷驟雨初收斜陽外  
 山光雲影願百歲逍遙瀼西東任華髮星星換來青鏡  
 憶秦娥  
 眉山感多愁慵整搔頭玉搔頭玉覩他雙鳳暗憐孤獨  
 闔閭城外春波綠蘭舟載酒歡難續歡難續郎歸何  
 日金錢偷卜

朱

諫

字君佐永嘉人宏治九年進士官吉安府知府

梁州令

謝公嶺

着屐登山客歷盡雲霞天壁屐痕猶在白雲中峰迴路  
 轉千古無人識春來秋去成塵跡一代風流歇斜陽  
 影落溪外長松幾樹連天碧

王九思

字敬夫鄒縣人宏治九年進士官吏部郎中有漢陂集續集十九卷

蝶戀花

夏日

門外長槐窗外竹槐竹陰森透屋重重綠人在綠陰深  
 處宿午風枕簟涼如沐樹底轆轤聲斷續短夢驚回  
 石鼎茶方熟笑對碧山歌一曲紅塵不到人閒屋

邊

貢

字廷實歷城人宏治九年進士歷官南京戶部尚書有華泉集八卷

踏莎行

露濕春莎草生芳甸漁舟迤邐依山轉斜陽明滅照村  
墟綠槐深護幽人院 小圃鳴雞古梁巢燕柴門不鎖  
蓬蒿徧問渠莫是武陵源一溪流水桃花亂

蝶戀花

留別吳白樓

亭外潮生人欲去為怕秋聲不近芭蕉樹芳草碧雲凝  
望處何時重話巴山雨 三板輕船頻喚渡秋水疎楊  
欲折絲千縷白雁橫天江館暮醉中愁見吳山路

顧

璘

字華玉吳縣人宏治九年進士歷官湖廣巡撫加刑部尚書有憑几集浮湘葉息園集

柳塘詞話云東橋詞有承平氣象

摸魚兒

十二月十四日自衡入耒

遠山低半留殘雪望中清景殊絕寒雲漸逐西風散村  
落午烟搖曳行路客被薄須沉迷又度隆寒節陽回歲  
歇是何日春來早梅花萼看透幾分白 憶江左多少  
關河分隔異鄉空望明月衡陽飛雁都回矣欲寄音書  
那得情似結更斷酒拋詩幽恨憑誰說髯霜鬢雪拚老  
去年華禾畦麥壟覓取舊生業

臨江仙

雨中東潭子羽

抱病登樓無意緒滿城寒雨濛濛一樽何日與君同卷

簾芳艸碧呼酒夕陽紅 堪恨賞心都不偶依然枉却

東風扁舟歸興莫匆匆江梅花自落別有海棠叢

唐寅 字子畏吳縣人宏治十一年南京鄉試第一坐事被斥有六如詞一卷

一翦梅

雨打梨花深閉門忘了青春誤了青春賞心樂事共誰  
論花下銷魂月下銷魂 愁聚眉峰盡日顰千點啼痕  
萬點啼痕曉看天色暮看雲行也思君坐也思君

周用 字行之吳江人宏治十五年進士歷官吏部尚書謚恭肅有白川集十六卷

訴衷情

人間何處有丹丘曾到太湖頭日高主人猶卧花影

重樓 尋畫史接詩流老滄洲一村烟樹數家茅屋幾

箇漁舟

滿路花

風前滿地花雨後連天艸今年二月裏春歸早低雲薄  
霧猶自憐清曉金尊須臾到無奈離愁爲他轉傷懷抱  
繡簾斜捲畫齋聞啼鳥韶華剛九十勾銷了綠波無  
賴點點青荷小寄語春知道桃李多情莫教惜春人老

陳霆 字聲伯德清人宏治十五年進士官山西提學僉事有水南藁十九卷

踏莎行 晚景

流水孤村荒城古道槎牙老木烏鳶噪夕陽倒影射疎

林江邊一帶芙蓉老 風暝寒烟天低衰艸登樓望極  
羣峰小欲將歸信問行人青山盡處行人少

清平樂

遊西湖用王介甫韻

香車隘住笑揚紅蓮語淺蹴芳塵羅襪汗堤上未乾花  
雨 畫船載得琵琶醉中情思無涯不管湖烟湖水東  
屢取次飛花


王廷相

字子衡儀封人宏治十五年進士歷官兵部尚書加太子太保諡肅敏有家藏集

桂枝香

朝霞飛散正微借清霜林外烘染搖落年華宋玉文  
幽怨小樓悄悄闌干倚最浮雲不堪情戀玉書難寄

天空闌夢迷人遠 歎雙鬢年來較短算病旅中秋不  
禁登翫只見青山誰見古時人面鄉心渺渺隨流水更  
不待商歌魂斷新愁頓起半牕暝雨一聲歸雁



明詞綜卷三

陸深 一首

韓邦奇 四首

吳山 一首

齊之鸞 一首

張縉 二首

李濂 一首

趙金 一首

文徵明 六首

青浦 王昶 纂

王 韋 一首

丁 奉 一首

楊 慎 十一首

盧 雍 一首

桂 華 一首

崔 桐 一首

夏 言 三首

陳 鐸 二首

謝承舉 一首

陸 緝 一首

徐 階 一首

盧 襄 一首

陸 邶 一首

楊 儀 一首

呂希周 一首

王慎中 一首

吳子孝 四首

陳如綸 三首

薛廷寵 一首

閔如霖 一首

駱文盛 一首

許 穀 一首

蔡宗堯 一首

陸

深 字子淵上海人宏治十八年進士歷官詹事府詹事贈禮部侍郎諡文裕有河汾燕閒錄

與玉堂漫筆等集

風入松

綠窗午枕睡初酣夢喜脫朝簪覺來猶是長安客垂楊裏空繫歸驂戀主心依曉闕思親淚濕春衫 玉河流  
水碧于藍花外燕呢喃新詞譜就憑誰和重封罷親自  
題緘欲待天邊鴻雁秋風寄與江南

王 韋 字欽佩上元人宏治十年進士官太僕少卿

玉漏遲 元宵奉陳靜齋憲長

今宵春正好卷簾無那客中情緒連日眉梢斲放片時  
還聚薄宦辭家幾許歎骨肉水萍風絮畱不住紛紛客  
淚兩行如澍 緬想此日家園正兒女團樂燒燈時序

明月依人空照一樽清醕深謝東君懶我喜投贈玉堂  
佳句高唱處乳鴉亂翻庭樹

韓邦奇

字汝節朝邑人正德三年進士歷官南京兵部尚書諡恭簡有苑洛集二十二卷詞附

西江月

春思

殘雪已消往事東風又報春愁珠簾不捲玉香鉤庭院  
遲遲清晝細雨繁花上院輕烟碧草汀洲一聲啼鳥  
水東流春在小橋楊柳

臨江仙

三月三十日

芍藥牡丹開已罷明朝不是春光鶯兒撩亂送斜陽繁  
華應不盡蜂蝶且休忙幾架薔薇依碧檻新荷更滿

芳塘水晶簾外細飄香推枰聽玉樹移座倒金觴

謁金門

珠簾捲樓外春愁無限雨過茶蘼春色減落紅驚滿院  
枝上燕慵鶯懶誰與韶光爲伴煙柳絲絲迷望眼闌  
干空倚偏

風入松

畫樓簾捲篆烟微煖雨霏霏雲山極目家千里問天涯  
何日歸期寂寞庾愁似海飄蕭鬢成絲鶯兒壓折  
海棠枝飛上薔薇深紅淺綠應無數逐東風滿院芬菲  
最是惜花心切只憂花落春歸

丁奉  
字獻之常熟人正德三年進士官吏部驗封司郎中有南湖畱稿八卷  
眼兒媚  
過華湖

蘆葦蕭蕭奏輕颺烟雨隔南洲小航冒冷孤帆披濕一路吟謳  
閒人儼似天隨子幽興五湖秋相知只在渡頭漁叟沙嘴眠鷗

吳山  
字靜之吳江人正德三年進士歷官河南四川巡撫入為刑部尙書諡忠襄  
清平樂

秋光如許雁字排空去十二闌干凝眺處簾捲西山暮雨  
白沙翠竹柴門落霞孤鶩江村況是亭皋葉下蕭蕭最愴吟魂

楊慎

字用修新都人正德六年賜進士第一授修撰嘉靖甲申兩上議大禮疏廷杖謫戍雲南永昌衛卒于戍所有升庵詞二卷

樂府紀聞用修所著書百餘種號為博洽金華胡應麟謙其熟于稗史不憚于正史作筆叢以駁之然楊所輯百琲真珠詞林萬選王弇州亦謂之詞家功臣也因議禮謫戍永昌暇時紅粉傅面作雙子髻插花令諸妓扶觴遊行了不為愧詩有羅衣香未歇猶是漢宮恩句詞亦華美流利

轉應曲

雙燕雙燕金屋往來長見珠簾半捲風斜何處銜來落花  
花落花落日暮長門寂寞

又

促織促織聲近銀牀轉急熏殘百合衣香消息蘭膏夜  
長長夜長夜露冷芙蓉花謝

又

銀燭銀燭錦帳羅幃影獨離人無語消魂細雨斜風掩  
門門掩門掩數盡寒城漏點

烏夜啼

梅雨

雨來江漲波渾沒沙痕淹過竹橋莎徑到柴門 孤烟  
起千樹裏幾家郵牛背一聲長笛報黃昏

昭君怨

樓外東風到早染得柳條黃了低拂玉闌干怯春寒

正是困人時候午睡濃於中酒好夢是誰驚一聲鶯

少年遊

紅稠綠暗徧天涯春色在誰家花謝人稀柳濃鶯嬾烟  
景屬蜂衙 日長睡起無情思簾外夕陽斜帶眼頻移  
琴心慵理多病負年華

浪淘沙

春夢似楊花繞遍天涯黃鸝啼過綠窗紗驚散香雲飛  
不去篆縷烟斜 油壁小香車水渺雲餘青樓珠箔那  
人家舊日羅巾今日淚濕盡韶華

江月晃重山

明言詞卷三  
五  
臘尾金杯灑灑春頭綵勝翩翩裁紅暈碧動嫣然風日  
好偷眼豔陽天 一曲玉簫明月幾絃錦瑟華年故鄉  
迢遞水雲連歸未得思發在花前

雨中花

一搦纖腰清瘦六幅輕紗紅皺粉熟香生態濃粧淺正  
是愁時候 蕭蕭風雨黃昏後雲濕仙衣寒透簾悄窗  
閒燈昏酒冷聽盡蓮花漏

滿江紅 梨花

露重風香韶華淺玉林無葉誰剪碎遍地瓊瑤滿園蝴  
蝶嬌淚一枝春帶雨粉英千片光凝雪伴鞦韆影裏月  
明中傷離別 花在手腸如結人對酒情難說憶故園  
遊賞清明時節今日相逢滇海上驚看爛熳開正月更  
收燈庭院峭寒天啼鴉歇

水調歌頭

春宵微雨後香逕牡丹時離闌十二金刀誰剪兩三枝  
六曲翠屏深掩一架銀箏緩送且醉碧霞卮輕寒香霧  
重酒暈上來遲 席上歡天涯恨雨中姿向人如訴飄  
泊粉淚半低垂九十春光堪惜萬種心情難寫彩筆寄  
相思曉看紅濕處千里夢佳期

齊之鸞

字瑞卿桐城人正德六年進士官河南按察使

小重山

清角悲笳響過雲平催涼月上白紛紛塞垣砧杵小城  
聞心鐵石誰解歎離羣 銀燭水沈熏引杯嫌獨醉但  
微醺參辰何事各天分彈劍起台斗氣氤氳

盧

雍字師部吳縣人正德六年進士官監察御史有古園集

蝶戀花

徐州晚泊

野樹煙生斜日墮千里帆檣又向黃昏過自據胡牀船  
上坐東山月出浮雲破 細細波流聲繞舵風葦蕭蕭  
兩岸明漁火吹罷洞庭歌楚些坡仙恍惚相逢我

張

縉字世文高郵人正德八年舉人官武昌通判遷知光州有詩餘圖譜竝南湖集四卷

古今詞話維揚張世文著詩餘圖譜絕不似  
嘯餘譜辨詞體之舛錯而為之規矩真填詞  
家功臣也其所製蝶戀花風流子數闕風流  
蘊藉更足振起一時

蝶戀花

紫燕雙飛深院靜簾枕紗廚睡起嬌如病一綫碧烟縈  
藻井小鬟茶進龍香餅 拂拭菱花看寶鏡玉指纖纖  
撚唾撩雲鬢閒折海榴過翠徑雪貓戲撲風花影

風流子

新陽上簾幌東風轉又是一年華正駝褐寒侵燕釵春  
裊句翻詞客簪鬪宮娃堪娛處林鶯啼煖樹渚鳴睡晴  
沙繡閣輕煙剪燈時候青旌殘雪賣酒人家 此時因

重省瑤臺畔曾遇翠蓋香車惆悵塵緣猶在密約還賒  
念鱗鴻不見誰傳芳信瀟湘人遠空採蘋花無奈疎梅  
風景碧草天涯

桂華字子樸安仁人正德八年舉人有古山集

菩薩蠻茶何用明

帝城三月鶯花繞笙歌沸徹千家曉半壁夕陽明醉眠  
人未醒城頭鳴畫角驚起南飛鵲回首上林枝行人

腸斷時

李濂字川父祥符人正德九年進士官山西按察使僉事有嵩渚集

柳梢青修武道中

爛漫春遊人生行樂山水夷猶昨夜河陽今朝修武明  
日懷州平生雅興難酬信轡去東風紫驢問酒花村  
題詩松寺飛夢蓬邱

崔桐字來鳳海門人正德十二年進士歷官南京禮部右侍郎有東洲集

風入松閒居

亭臺簾幙鎖重重韶景又東風竹牀習懶閑春夢喚鶯  
聲醒眼猶慵短髮烏巾斜裹尋幽日傍花叢碧流橋  
外小桃紅徒倚畫欄東銀鱗玉笋新來美好情懷盡付  
杯中莫笑海翁醉也醉時百感成空

遣金字淮獻烏程人布衣正德中詔徵不赴有浮休集

湖天渺一片水雲沙鳥俯景茫茫空懊惱孤吟秋色老

自愛琅玕芝草茅屋碧山環繞高臥長松心盡了年

來機事少

夏言

字公謹貴溪人正德十二年進士歷官吏部尚書華蓋殿大學士謚文愍有桂洲近體樂府六卷鷗園

新曲一卷

湧潼小品夏言以議禮驟貴世廟因正月降

雪命言等作時玉賦石塘會銑夏之內戚作

漁家傲詞互相廢唱遂起河套之議故黃泰

泉有干不買陳平計蓋譏之也 蘇苑卮言

我朝以詞名家者伯溫穠纖有致去宋尚隔

一塵用修好人六朝麗事似近而遠公謹最

號雄爽比之稼軒覺少精思 錢氏云公謹

喜為長短句當其得君專政聲勢烜赫長篇

小令草藁未削已流布都下互相傳唱歿後

未百年燦然無聞花間草堂之集無有及桂

洲氏名者求如前代所謂曲子用公亦不可

得可一概也

鶴沖天 初夏

臨水閣倚風軒細雨熟梅天一池新水碧荷圓榴花紅

欲燃 薄羅裳輕紈扇睡起綠陰滿院曲闌斜轉正閒

凭何處玉簫聲

阮郎歸

小樓臨苑對青山朱門草色閑隔花時有珮珊珊鞦韆

楊柳閒 新綠暗亂紅殘慵粧低翠鬟日長春困減芳

顏無人獨倚闌

浣溪沙 春暮

庭院沈沈白日斜，綠陰滿地又飛花。岑岑春夢繞天涯。  
簾幕受風低乳燕，池塘過雨急鳴蛙。酒醒明月照窗紗。

紗

文徵明

初名璧，以字行。更字徵仲，長洲人。以歲貢入京，授待詔。有甫田集。太平清話，衡山極熟，勝國遺事，能口述其故。實里居性介，潔太宰喬白巖司空林見素為延譽於朝，授翰林待詔，即乞歸往來姚山，遜浦小詞，散布隸書九工。

卜算子

酒醒夜堂涼，雨過湘簾捲。時見流螢度短牆，乍近依然  
遠。欲睡更遲徊，徙倚闌干徧。不覺西樓闕月斜，寂寞

桐陰轉

南鄉子

香煖透春肌，滿眼新嬌睡。起遲燕子不來三月盡，依依  
手撚殘花玉一枝。風裊鬢雲垂，無限閒愁隱翠眉。好  
夢不成春自老，相思只有青團扇子知。

風入松

近來無奈病淹留，十日廢梳頭。避風簾幙，何曾捲，翛然  
處古鼎香浮。興至閒書，幾几困來時覆茶甌。新涼如  
水，筆紋流六月，類清秋。手拋團扇，拈書冊，無情緒，欲展  
還休。最是詩成酒醒，月明時度南樓。

又簡湯子重湯居碧鳳坊

西齋睡起雨濛濛雙燕語簾櫳平生行樂都成夢難忘  
處碧鳳坊中酒散風生棋局詩成月在梧桐近來多  
病不相逢高興若為同清樽白苧交新夏應辜負綠樹  
陰濃憑仗柴門莫掩興來擬扣牆東

又行春橋望月

夜涼斜倚赤闌橋天遠碧烟消酒醒忽見花閒影輕雲  
散月在林梢野火青山隱隱漁歌綠水迢迢當年曾  
此醉清宵共艤木蘭橈白頭重蹋行春路同遊伴半已  
難招夜靜單衫露冷玉人何處吹簫

滿江紅

漠漠輕陰正梅子弄黃時節最惱是欲晴還雨乍寒又  
熱燕子梨花都過也小樓無那傷春別傍闌干欲語更  
沈吟終難說一點點楊花雪一片片榆錢蕪漸西垣  
日隱晚涼清絕池面盈盈清淺水柳梢淡淡黃昏月是  
何人吹徹玉參差情淒切

陳鐸字大聲下邳人徙南京官指揮使

錢氏云大聲以樂府名于世所為散套穩協流麗被之管弦能審宮節羽不差毫末

浣溪沙

波映橫塘柳映橋冷烟疎雨暗亭皋春城風景勝江郊

花蘂暗隨蜂作蜜溪雲還伴鶴歸巢草堂新竹兩三

梢

謝承舉

字子象  
上元人

卜算子

題凭几圖

病影有燈知心事無人問上苑春光過二分應少同遊  
分 畫障且相隈山几聊孤隱窗外紅梅開已齊似識

香閨悶

陸

楫

字思豫上海人  
有兼葭堂集

望海潮

送顧淑玉入雍

江帆飛雨汀莎沒雁玉人方上皇州酒泛霞觴潮生煙

浦那堪淚灑蘋洲雲樹兩條條蓬窗迷岸草一任夷猶

羨爾詞源倒傾三峽楚天秋 清時官臥林邱看詩題

杏苑名徹宸旒朔月關心燕風撲面誰云悔覓封侯壯

志奮吳鉤故園芳草合魚鳥含愁何日京塵夜酤清醕

瀉牀頭

徐

階

字子升由青浦徙居華亭嘉靖二年進士歷  
官吏部尚書建極殿大學士諡文貞有世經

堂集二  
十六卷

阮郎歸

一春歸思羨冥鴻青山在眼中無端秋色又丹楓滄洲  
路未通 搔白首望長空徘徊意萬重持杯看爾去匆

勿心隨江水東

盧

字師陳吳縣人嘉靖二年進士官兵部郎中有五塢山房稟

蝶戀花

徐州晚泊用師邵韻

城上危樓驚欲墜北樾南檣日  
日城邊過猶記昔年樓  
上坐樓前景物多題破  
今日長年催振舵萬井蕭條  
落日稀烟火坡老不歸  
招楚些雲山隔水如畱我

陸

字秀卿嘉善人嘉靖五年進士歷官河南巡撫

臨江仙

病後衣裳慵對客鏡中雙鬢  
鬢青山何處著茅庵向  
來經濟意都只是空談  
世事悠悠那復論三杯且放

微酣小窗過午睡還貪無端春夢繞猶自在江南

楊

儀字夢羽常熟人嘉靖五年進士官山東按察使

惜分飛

和陳霞棲韻

月戶花堦凡幾度盡把芳尊  
囑付轉眼濃華故鸞膠總  
被秦娘誤  
榆莢楊花曾入賦也解漫天飛舞夢覺西  
堂午琵琶聲斷聞鸚鵡

桃源憶故人  
訪周汝寺

單衣曉怯東風冷忽過湖波千頃  
山色倒侵溪影一路  
隨孤艇  
美人室遠飛雲迥遙憶小堂春永睡起碧紗  
人靜隔竹敲新茗

明詩新卷三  
三  
呂希周

字師旦崇德人嘉靖五年進士官通政司使

重疊金

惜別

粉痕未褪梅粧雪  
驂鸞忽度梨花月  
燈影小紅樓角聲  
起暮愁  
孤篷憐倦客  
繡被餘香歇  
料倚枕鴛單屏風

六曲山

王慎中

字道思晉江人嘉靖五年進士官河南參政

點絳脣

光澤寺

門掩青山空庭竹影門長埽  
一溪斜繞水氣香花草  
木石幽殊禽鳥傳昏曉  
誰知道白雲鎖了恰有人尋到

吳子孝

字純叔長洲人嘉靖八年進士官湖南參議有明珠集詞一卷

點絳脣

二月八日夜汎射瀆歸作

花信風輕爲花日日芳遊早  
曲溪繚繞歸棹情多少  
月映清波良夜春寒悄  
長空皎歌聲縹緲醉裏愁如掃

訴衷情

嘉靖癸丑甲寅東南倭亂

韶光都過亂離中  
登眺覺心慵  
青山城外望斷愁絕黛  
痕濃  
閒把酒倚樓東  
小梅紅館娃烟草香  
徑風蘭長  
記遊踪

清平樂

韶光易變涼露霏如霰  
翠卷香消憔悴遍  
一夜池塘秋  
晚  
蘆枯葦折波中  
鳧棲雁宿芳叢盡  
日倚闌如畫白

蘋紅蓼西風

風流子 登虎邱致爽閣

雨痕消已盡長空靜皎日映江流看寒草都腓衰林漸  
薄翠荷遍沼黃橘連洲新晴好抱琴遊竹浦載鶴共松  
舟近市炊煙隔林樵唱蒼茫望遠窈窕尋幽 晚來還  
著展窮巖壑更上絕頂飛樓何事西來爽氣偏對吟眸  
指青巒萬壘澄川百道遶關分列似畫難收方信三吳  
佳景盡屬清秋

陳如綸 字德宣太倉人嘉靖十一年進士官  
福建布政使參議有二餘詞一卷

小重山 題東川

綠漲粼粼接碧空可人魚鳥境著閒翁蓬萊只在海山  
東烟霞迥杖履任從容 無分學屠龍有時移短棹泛  
春風歸來篷底夕陽紅同酒伴爛醉水雲中

眼兒嬌 荅銘泉春懷

羅袖輕盈怯風寒飛夢到長干蜂慵蝶倦紅稀綠暗春  
色將殘 三月家書猶未見錦瑟幾拋閑相思無奈千  
重烟樹萬疊雲山

踏莎行 荅賈竹亭春行

楊柳溪橋桃花野渡十年車馬同游處聯詩曾對月華  
明傷心祇見春光暮 迢遞雙魚浮沈尺素相思輾轉

愁無數東風聽徹子規啼聲聲訴盡空歸去

薛廷寵

字萃軒福清人嘉靖十一年進士官工科給事中出使朝鮮與華察及蘇世讓成世昌等

倡和有皇華集四卷

蝶戀花

殘春風雨

綠楊枝上黃鸝小長路關情花鳥三春了雲水迢迢鄉  
夢杳天桃穠李空開笑江笛一聲天正曉雨色愁人

征騎忙多少紫荷風牽羅帶繞晚來頓覺輕寒峭

閔如霖

字思望烏程人嘉靖十一年進士歷官南京禮部尚書卒贈太子少保

臨江山

萬里碧天清似洗銀河珠斗迴杓秋千院落月兒高柳

陰牆外轉花氣戶邊颿春色惱人應不寢何人更品

鸞簫靈雞未唱夜迢迢玉階清露濕金鼎碧烟銷

駱文盛

字質甫武進人嘉靖十四年進士官編修

南鄉子

夏日遊竹隱寺

古寺隱叢篁石徑逶迤碧蘿荒夾道松枝低拂憶蒼涼  
清露沾衣濕不妨緩步上迴廊老衲相邀入竹房旋

汲山泉供茗椀悠颺風送閒雲下石牀

許

字仲貽上元人嘉靖十四年進士官南尚寶卿有歸田橐

風入松

癸亥端午

薰風吹滿舊都城斜日映鍾陵佳辰恰喜收殘雨正榴

花照眼烘晴閉戶恐辜令節開尊獨坐閑庭一年春  
夏等閑更冷煖不須驚瓜棚豆架空尋遍笑王郎好夢  
難成弔屈添來餘恨江邊鳴咽潮聲

蔡宗堯

自號東郭子天台人嘉靖十六年舉  
人官於溪縣教諭有龜陵詞一卷

點絳脣

寒雨溪橋卷簾半醉春風好早鶯來了疎影梅花老  
吟破狂愁燕落江天渺山城小馬蹄多少露濕王孫草

明詞綜卷三

明詞綜卷四

青浦王昶纂

陳鏗 一首

萬士和 一首

李攀龍 一首

周思兼 一首

文彭 一首

王世貞 八首

孫樓 一首

王好問 二首

趙大佑 一首

邵圭潔 一首

鄔仁卿 一首

吳邦楨 一首

于未 一首

王世懋 一首

王錫爵 一首

張鳳翼 一首

高濂 一首

徐渭 一首

陳淳 一首

彭年 一首

林章 一首

夏樹芳 一首

支大綸 一首

趙南星 一首

屠隆 一首

馮琦 一首

湯顯祖 一首

袁黃 一首

焦竑 一首

陳繼儒 三首

王肯堂 一首

儲昌祚 一首

卓發之 一首

賀彥發 一首

楊繼禮 一首

陳鏊 字子兼吳縣人嘉靖十八年進士官四川右布政有已覽堂集

風中柳 湖上

萬頃平湖勝在吳山高處兩峯閒蘆汀鷗渚隨波蕩漾

見漁舟無數雲帆外幾邨煙樹 茶磨郊臺千古浮雲

去住越溪中五湖東注橋邊楊柳已條條金縷且畱連

莫教春去

萬士和 字思節宜興人嘉靖二十年進士歷官禮部侍郎謚文恭有貴行集

臨江仙 同楊魏村少參登桐君山

睡裏釣臺相失尋仙且上桐山亂峰環合碧波寒笑攜

黃鶴伴來坐白雲間 二十年前遊處好趨庭猶憶紅

顏而今狼籍鬢垂斑西風衰草外長嘯下松關

李攀龍

字于鱗歷城人嘉靖二十三年進士歷官河南按察使有滄溟集

長相思

秋風清秋月明葉葉梧桐檻外聲難教歸夢成 砌蛩

鳴樹烏驚塞雁行行天際橫偏傷旅客情

周思兼

字叔夜江南華亭人嘉靖二十六年進士官工部員外出為廣西提學副使王元美云叔夜小詞咸嫵媚蕭疎令人自親

浣溪沙

天上青鸞月下逢玉窗斜掩影重重吹簫人在畫樓中

問道綠陰今幾許兩竿長日舞春風瀟湘秋色總無窮

窮

文

彭

字壽承長洲人官國子監博士

漁父詞

余有別業在笠澤之上常課耕於此偶閱黃太史漁父詞喜而繼作

吳淞江上是儂家每到秋來愛荻花眠未足日先斜妻

笑船頭看落霞

又

夜深結網一燈紅吹笛鄰舟攪睡濃雲夜月雨晴風都

在漁家爛醉中

王世貞

字元美太倉人嘉靖二十六年進士歷官刑部尚書有弇州四部稿

堯山堂外紀弇州少讀書駢行簡奇之日他日必以文章名世汪伯玉云詩如孫武韓信

用兵宮櫛市人無不可陣詞則沾沾自喜亦  
出人頭地李子鱗云惟某敢與狎主齊盟  
而小詞弗逮也

### 浣溪沙

窗外閒絲自在遊  
隔花山鳥弄鉤輈  
一庭芳草怨清幽  
權把束書鈎  
午夢起  
沾邨釀  
潑春愁  
放教殘日過牆頭

### 望江南

歌起處  
斜日半江紅  
柔綠篙添  
梅子雨  
淡黃衫耐藕絲  
風家在五湖東

### 重疊金

同文

斷風依約愁砑亂砑愁約衣風斷無語對燈孤孤燈  
對語無  
冷香畱去影影去畱香冷思後夢來期期來  
夢後思

### 虞美人

摩訶池上金絲柳  
慣愛纖纖手  
折來將表片  
時心記取  
淺黃柔綠派痕深  
博山香細銀燈吐  
乍識黃昏雨  
嬌花欲展半  
鶯紅錯道褪殘春  
事罵東風

又

浮萍只待楊花去  
况更廉纖雨  
鴨頭虛染最長條  
醞造離亭清淚幾時消  
珊瑚翠色新豐酒  
解醉愁人否  
薄

寒蠶送汝南雞偏向碧紗厨畔醒時啼

漁家傲

細雨輕煙裝小暝重衾不耐春寒橫裊盡博山孤篆影  
閒自省天涯存個人同病 十二巫峰圍畫永黃鸝可  
喚梨花醒雨點芳波指不定臨晚鏡真珠簌簌胭脂冷

河滿子

卯色遙垂別浦魚鱗淺梵平沙小拂東風無氣力悠揚  
自在楊花輕暖輕寒天氣半村半郭人家 碧貯蓮花  
露酒香分穀雨泉茶呼取自斟還自勸烏紗任汝欹斜  
返照一行歸騎隔林幾點殘鴉

玉蝴蝶

記得秋娘家住皋橋西弄疎柳藏鴉翠袖初翻金縷鈎  
月暈紅牙啓朱唇含風桂子喚殘醉微雨梨花最堪誇  
玉纖親自濃點新茶 嗟呀顛風妒雨落英千片斷送  
年華海角山尖不應飄向那人家惹新愁高樓燕子賺  
人淚芳草天涯况潯陽偶然江上一曲琵琶

孫樓

字子虛常熟人嘉靖二十五年舉人官湖州府推官

念奴嬌

用東坡赤壁懷古韻

紅塵深處轉愁腸却憶江南景物變隄雲開梅雨霽一  
片蒼崖翠壁竹裏鳴淙松間瀉瀑衣袂飛珠雪流觴遞

詠山中誰是奇傑而今歸路迢遙宦途迤迤逗彈缺悲  
歌發去住無憑眠未穩好夢隨生隨滅過雁牽情吟蛩  
送淚聽裏堪華髮青山不負有時還醉蘿月

王好問

字裕卿樂亭人嘉靖二十九年進士歷官南京戶部尚書有春照齋集十一卷詞附趙符庚云西塘詩餘可伯仲有宋無愧作者

賀聖朝

寄遠

嫋嫋西風歛填煙日啣山陰陰楊柳暗長川水如天  
一別玉京成遠夢幾經年錦魚千里為誰傳思依然

懸絳脣

春愁

九斗春光可憐長日空辜負別離情緒最怕黃昏雨

倚遍樓頭望斷春歸處人無語落花飛絮又過秋千去

趙大佑

字世伏太平人嘉靖二十八年舉人官瀘州知州

菩薩蠻

畫梁雙燕春江曲翠樓掩映垂楊綠往事幾憑欄關山  
風露寒 綵雲無覓處回首桃源路惆悵月華明新歡  
舊恨并

邵圭潔

字伯如常熟人嘉靖二十八年舉人

謁金門

江草碧又見一年寒食風雨落花春可惜捲簾人獨立  
十里青山咫尺兩岸綠楊如織酌酒賦詩俱未得浪

將光景擲

鄔仁卿

字汝元丹徒人嘉靖三十一年舉人官湘潭縣知縣

沁園春

招隱看梅

十里江城共向東風舞到梅花想三更幽夢悄移石罅  
一枝春影扶上窗紗鐵骨峻嶒冰姿修潔可是神仙萼  
綠華今宵醉且休吹玉笛只按紅牙 槎枒綺席橫斜  
恨知己難逢好句賒但已撥零落金鈴莫繫不甘爭媚  
錦幕休遮冷欲侵人清能絕俗肯讓狂蜂坐晚衙爭憐  
惜泊角聲吹徹片片飛霞

吳邦楨

字子寧吳江人嘉靖三十二年進士官太僕寺卿

虞美人

西溪十里漁邨路猶記看梅處暗香疏影最關情更憐  
雪外一枝橫雨初晴 而今別去梅花久梅好應如舊  
風霜媿我漸蒼顏長教老崔怨空山幾時還

于未

字勵庵金壇人嘉靖三十四年舉人

清江裂石

忽見推簾起暮鴉風逼小燈斜又被打聽雪片巡簷問  
可壓梅花正開釭初試屠蘇酒舉杯誰勸強半惜年華  
縱博得玉壺香暖畢竟是天涯 渾一片雲山四圍隱  
隱飛巒帶不起煙霞驢背歎行頻墟頭暫醉料醒來孤

蹤依舊塵沙正醒醉含愁猛聽征鴻嘹唳哀怨過誰家

王世懋字敬美太倉人嘉靖三十八年進士官太常寺少卿有奉常集詞

如夢令

枝上子規猶闕門外碧梧誰掃病起不禁秋倚盡小樓

殘照寒峭寒峭一夜白蘋天老

王錫爵字元馭太倉人嘉靖四十一年賜進士第一歷官吏部尚書建極殿大學士謚文肅有文集

肅集

南歌子 遊仙詞

月色依微照雲光淺淡流捲簾同上最高樓試看海天

萬里好清秋 酌酒金螺小調笙玉指柔更深鶴背冷

颺颺勸我今朝且住莫歸休

張鳳翼字伯起長洲人嘉靖四十二年舉人

如夢令 七夕風雨

狼籍芳筵瓜果妬煞無情風雨拆了鵲邊橋怎把佳期

畱住知否知否一夜淚痕深注

高濂字深甫杭州人

沈詞隱云高深甫詞獨出清裁不附會於庸俗者

西江月 題情

有恨不隨流水閒愁慣逐飛花夢魂無日不天涯醒處

孤燈殘夜 恩在難忘銷骨情含空自酸牙重重疊疊

剩還他都在淋漓羅帕

風入松

濃煙稠白望中深雪色雲陰梅花剩有西冷約攜樽不  
負追尋蕩日冰漸萬頃搖風玉瘦千林寒空倚閣費  
孤吟坐有知音一鳥不飛天影黑微茫山樹俱沉歌出  
陽春白雪情憐遠水遙岑

徐渭字文清更字文長江陰人有關編櫻桃館集

浣溪沙鑑湖

淺碧平鋪萬頃羅越臺南去水天多幽人愛占白鷗莎  
十里荷花迷水鏡一行遊女惜顏酡看誰釵子落清

波

陳淳字道復長洲人監生

柳塘詞話王父一泉公過姚山訪白陽山人  
白陽贈以詩云重重烟樹鑠招提野客來尋  
路不迷纜過石橋塵又隔落花無數鳥爭啼  
作擊策書併咏松院溪沙以為壽王父作三  
臺令以答之云酒在孤斟不醉客來其憇無  
譁薄業垂楊江岸一聲橫竹漁家今閱喪亂  
後而得手蹟于大覺寺僧家幸也

如夢令

吟罷小池楊柳酌盡玉壺春酒水面正風來吹亂一天  
星斗消瘦消瘦愁在憑闌時候

彭年字孔嘉長洲人布衣

風入松

元州畫贈素安聯床夜話圖

雨餘山閣洗炎囂絳燭頻燒故人住近攜琴至豈煩折  
簡相邀新瓮景山斟酌小團鴻漸烹調 畫檐風動響  
芭蕉梧竹悠悠石床涼思清肌骨紈扇都拋辨馬極談  
申旦聞雞起舞中宵

林章

字初文福清人  
萬歷元年舉人

孤鸞

為誰拋撇似海燕初分林鶯乍別回首天涯滿目雲山  
愁絕東風不憐春色把一枝楊花吹折直恁粘烟帶雨  
更盈盈似雪 奈夢兒相隔恨難說想昨夜孤衾今朝  
雙頰比這青衫上有幾重啼血一聲晚鐘動了又送人  
斷腸時節莫把琵琶亂撥正春江湖咽

更漏子

咏啼

春山愁秋水怨闌下兩行珠串梅子雨蓼花霜長亭十  
里粧 和月說因風咽一一鶯喉燕舌帕上點枕邊聲  
聲聲點點情

夏樹芳

字方卿江陰人萬歷  
元年舉人有消暘集

醉落魄

團冰握雪天公幻箇人孤潔最憐誤向風塵撇貌似春  
花命似晚秋葉 酒邊燈下曾相洽重逢不耐匆匆別

新來真箇音書絕歡似浮雲愁似半殘月

支大綸 字心易嘉善人萬歷二年進士官奉新縣知縣有華萃詞一卷

山花子

楓葉霜催暮色殘相思人在碧雲間何處瓊簫吹月下  
倚闌干 夢斷雨聲雞塞遠愁移花影鳳樓寒莫恨玉  
孫消息斷萬重山

趙南星 字拱極高邑人萬歷二年進士歷官吏部尚書諡忠毅

水龍吟 楊花用章質甫韻

春闈忒恁愁人已看盡落紅翻墜楊花更慘連空映日  
撩人情思飛過高城尋來小院從教門閉偶墮風乍定

商最暫住低飛燕還扶起 何處疑花亂玉幾曾堪髻

簪衣綴蘭闈人倦多愁牽夢難成易碎小玉聲喧晴天

雪下香堦無水憶遼西何處神魂蕩漾暗拋紅淚

啓 隆 字長卿鄞縣人萬歷五年進士官禮部主事有由拳集

清江裂石 西湖

淼淼重湖背郭斜永日坐蒹葭四面山青不斷樓閣外  
亂水明霞有畫船錦纜載詞客金翹雜珮強半挾吳娃  
水窮處長林古寺夏木綠陰遮 回首望空明白鷗隱

隱飛來帶一片輕沙把酒聞西湖今來古往都不管興  
亡舊恨年華且與君權扁舟聽取哀絃急筑散髮弄荷

花

馮

琦

字用執臨朐人萬歷五年進士歷官禮部尚書謚文敏有北海集

如夢令

竹外瑤華千頃更與素梅掩映雙雀噪寒枝蹴落飛花  
無影相並相並明月驚棲不定

湯顯祖

字義仍臨川人萬曆十一年進士官禮部主事有玉茗堂詞一卷

柳塘詞話義仍精思異彩見於傳奇出其餘緒以為填詞後人味其迥文必指為義仍傑作也

好事近

簾外雨絲絲淺恨輕愁碎滴玉骨近來添瘦趁相思無

力

小蟲機杼隱秋窗黯淡煙紗碧落盡紅一池面又

西風吹急

阮郎歸

不經人事意相關牡丹亭夢殘斷腸春色在眉彎倩誰  
臨遠山排恨疊怯衣單花枝紅淚彈蜀妝晴雨畫來  
難高唐雲影間

袁

黃

字坤儀嘉善人萬曆十四年進士官兵部郎中

鷓鴣天

題村叟屋壁

數疊煙林散翠鬟莫嫌此地少青山酒逢社日添酬應  
花到開時費往還松老大竹平安柴門雖設不曾關

旁人方訝茅齋窄鶴棚蜂房割半間

焦

竑

字弱侯上元人萬歷十七年賜進士第一官修撰有澹園集

菩薩蠻

梅花坐對天如水月明千里人千里莫上最高樓長江  
生別愁 百年今夕會且其樽前醉明日又離歌天涯  
奈爾何

江神子

西風吹袂弄新晴月籠明小梅橫席上孤琴又作斷腸  
聲人去青山衰草裏憑誰共遶花行 強拈綵筆賦離  
情 意平生到深更欲寫年來意思苦難成但把深杯

客醉知何日笑相迎

陳繼儒

字仲醇江南華亭人  
有晚香堂詞二卷

柳塘詞話眉公早歲隱於九峯工書畫與董  
宗伯其昌善為延譽公卿間每得眉公片楮  
輒作天際真人想但傳其居余山只吟咏過  
日不知宏景當年松風庭院中作何生活其  
小詞瀟灑不作艷語

攤破浣溪沙

梓樹花香月半明棹歌歸去草蟲鳴曲曲柳灣茅屋矮  
挂魚罾 笑指吾廬何處是 一池荷葉小橋橫修竹紙  
窗燈火裏讀書聲

又

蜂欲分衙燕補巢陰陰落葉遍江皋一陣窗前風雨到  
打芭蕉 驚起幽人初睡午茶烟繚繞出花梢有箇客  
來琴在背度紅橋

浪淘沙

風雨霎時晴荷葉青青雙鬟捧著小紅燈報道綠紗窗  
底下蕉月分明 枕簟嫩涼生茉莉香清蘭花新吐百  
餘莖撲得流螢飛去也團扇多情

王肯堂 字宇泰金壇人萬曆十七年  
進士歷官福建布政司參政

多麗

步花陰滿園春色飄零過橫塘曲闌斜折崎嶇轉入荷

亭坐無聊起看畫障行還倦閒 撥爐薰暗覺聲喧微窺

影亂映門一線露羅裙雙扉啟 綉綺衣翠袖相簇度銀屏

霎時見虛窗雪豔素壁霞明 細看伊蓮隨步起果然

蘭並肌芬臉盈盈疑開蛤蜊 腰細細堪試香塵膩髮盤

雲修眉偃月珊瑚一顆楚 木櫻擊槩處春織如削渾是

玉雕成臨別去流波迴觀 障面笑狂生

儲昌祚 字肩宇宜興人萬曆十七年  
進士官四川按察司僉事

清平樂 春雪

雪眠風掃飄泊知多少曉斷天涯春色香一夜青山都  
老 金猊桂棹重燃烟籠修竹千竿具有梅花添恨幾

枝早落階前

卓發之

字左車  
仁和人

王阮亭云左車詞尚駿逸頗有宋人風味至  
珂月而格調次新聲意儼側極詞家之變態  
矣

菩薩蠻

落花

小玉樓前風雨急春光  
一霎都狼籍桃葉與桃根誰家  
最斷魂  
尊前回首望昨夜花成浪總是雨收時月明  
空滿枝

賀彥登

丹陽人

菩薩蠻

綠窗擁被鶯呼醒紅雲微皺愁難整檀炷鼻薰籠羅衣  
三兩重  
流蘇休領揭欲起愁無力楊柳小腰肢春來  
瘦不支

楊繼禮

字彥履雙縣人萬曆二十  
十年進士官

浪淘沙

錦席綺筵重蘭炷香濃隔簾鸚鵡喚秋風六曲闌干頽  
玉處夢到巫峰  
金縷翠雲中寶髻輕鬆綠窗月色正  
朦朧說到飛觴傳永夜怕聽飛鴻

明詞綜卷五

李日華 一首

范鳳翼 一首

吳亮 一首

俞彥 二首

吳宗達 一首

魏大中 一首

吳宗儒 一首

方于魯 一首

青浦 王昶 纂

查應光 一首

支如玉 一首

費元祿 一首

王衡 二首

雷迅 一首

陳翼飛 一首

焦源溥 一首

錢士升 一首

明詞綜卷五

錢 一首

劉榮嗣 一首

魏浣初 一首

阮大鍼 一首

王坊 一首

鄭士奇 一首

張名由 二首

黃承聖 一首

莫是龍 一首

徐燭 一首

張璋 一首

彭紹賢 一首

吳鼎芳 二首

馬洪 四首

施緒莘 八首

董斯張 一首

顧同應 二首

馮盛世 一首

范文光 一首

孫茂芝 一首

徐石麟 一首

王屋 一首

葉紹袁 一首

陸錫明 一首

汪膺 三首

范汭 一首

汪廷訥 一首

李日華 字君實嘉興人萬曆二十年進士官太僕寺少卿有紫桃軒雜綴

玉樓春 題柳洲待別圖送劉躍如

輕暖輕寒無意緒朝來幾陣梨花雨粧成獨自倚闌干

暗數落紅愁不語 杜宇一聲人欲去殘雲片片依沙渚橫塘十里柳煙濃維舟正在煙深處

查應光 字賓王休寧人萬曆二十五年舉人有麗崎軒詞一卷

浪淘沙

白髮亂侵頭，嬾上高樓。朦朧新月曲如鉤。檻外蘋風驚乍起，暑氣潛收。宿雨漲迴流，喜泛輕鷗。蓼花一望滿汀洲。正好開襟延賞處，無限新秋。

范鳳翼

字異羽，通州人。萬曆二十六年進士。歷官光祿寺少卿，有勳卿集。

減字木蘭花

邦江歸思

晴雲如絮，霎時飛入銀河去。露洗遙空廿四橋頭一笛風。客窗無暑，片霎芳塘清曉。兩月冷，邦清夢破，狼峯絕頂秋。

支如玉

字寧瑕，嘉善人。萬曆二十八年舉人。官刑部主事，有半衲庵集。

酷相思

新柳月痕初墜，恨春鳥催人起。想盟言花片隨波逝，欲住也，畱無計。欲去也，畱無計。印舊添新衣，上淚左右。拚憔悴，問九峯桃李，曾開未。人遠也，書難寄。春盡也，愁難寄。

吳

充

字魯于，武進人。萬曆二十八年舉人。

漁歌子

千頃蒹葭一釣翁，家居南浦小橋東。桃花水，鯉魚風，短笛橫吹細雨中。

費元祿 字無學錫山人有秀甲集

賀新郎

瑞腦燒金鼎捲重簾庭陰正午畫堂人靜春落天涯知  
何處糝地楊花飛盡印玉枕流鶯催醒梅雨紗窗寒欲  
透更長年三月厭厭病愁不語嬾窺鏡 江南舊事須  
重整隔花陰傳消寄息月娥難倩夢斷秦樓相思久芳  
草佳期未準倚徧了梧桐金井蝴蝶已歸煤麝冷枉教  
人揉碎丁香影誰共我步香徑

俞彥 字仲茅上元人萬歷二十九年進士歷官光祿寺少卿

花草蒙拾俞仲茅小詞云輪到相思沒處辭眉間露一絲視易安纔下眉頭又上心頭可

謂此兒善盜詞裏少卿刻意填詞工於小令持論極嚴且以刻燭賡唱為奇不無率露語至其備審源委不趨佻險而遵雅淡獨見典型

長相思

折花枝恨花枝準擬花開人共卮開時人去時 怕相  
思已相思輪到相思沒處辭眉間露一絲

鷓鴣天 瓶梅

淺渚明沙聚碧流依然春信鎖枝頭金徽昨夜初賡曲  
羌笛何人更倚樓 朝露重晚煙浮幾回花下月如鈎  
而今貯向紗窗裏點點寒香入夢愁

王衡 字辰玉太倉人萬歷二十九年進士官編修有綠山集

點絳脣

送陳仲醇

濕夢沉沉芭蕉雨響燈花卸月兒來也人又隨潮下

最怕登高醉面秋風灑紅堪把茱萸看罷半刻重陽假

如夢令

蕭鴈

風起蘆花如醉歷歷鴈行成字一點一聲寒霜重曉楓

羣碎知未知未只在淺深沙際

吳宗達

字青門武進人萬歷三十二年進士官大學士謚文端

滿庭芳

蕉長青箋筍抽斑管悶懷欲寫無多鸞臺鳳閣心事久

蹉跎小搆數篆茅屋但傍取千頃澄波扁舟繫酒筒茶

竈隨意泊煙蘿知音三兩客朝朝暮暮百徧相遇判

冷吟閒醉雅謔狂歌風雨不妨閉戶凭欄處嫩蕊柔柯

君知否才情標格千載憶東坡

雷迅

字聖肅青浦人萬歷三十四年舉人官夔州府推官

蘇幕遮

惜春

柳含絲梅破萼報道東風一夜穿簾幕春光依舊人非

昨忽訝春光不是人情薄花前醉月下樂只恐韶華

易去難畱閣明朝雨暗胭脂落莫怨春光不管人消索

魏大中

字孔時嘉善人萬歷三十五年進士歷官吏科給事中謚忠節

臨江仙

錢唐懷古

埋沒錢塘歌吹裏當年卻是皇都趙家輕擲與強胡江

山如許大不用一錢沽 只有岳王泉下血至今泛作

西湖可憐故事眼中無但供饑醉後囊句付奚奴

陳翼飛 字元朋平和人萬歷三十八年進士官宜興縣知縣有慧閣集

字字雙 成婦

長城飲馬嘶復嘶古木寒雅棲復棲空牀獨守啼復啼

從軍蕩子西復西

吳宗儒 字次魯休寧人有巢雲軒集

如夢令 春暮別張允升

花落春歸時節滿目楊花飛雪杯酒幾多情愁對東風

話別聲咽聲咽去後相思啼鳩

焦源溥 字涵一三原人萬歷四十一年進士歷官僉都御史巡撫大同殉闖難死

王阮亭云豹人述中丞殉闖難事甚烈為選小詞登之正如陳了翁文信國諸公令讀者愛其寸璣殘壁也

### 醉花陰

紅綴繁枝鶯語巧弱柳和煙裊玉勒慢尋芳踏徧東皋

滿眼青青草 煙岫重重霞氣表無數山花繞古寺梵

音沉曲徑疎籬纔信郊居好

方于魯 字建元歙縣人有佳日樓詞一卷

臨江仙 曹載信來訪山中偕飲溪上酒家

小市橋橫堪繫馬雙溪水暖浮鷗青帘風亞酒壚頭垂  
楊當戶牖芳草帶煙流千里故人雞黍約百錢挂杖  
登樓竹林把臂及春遊休嘆逐旅客且作醉鄉侯  
錢士升字抑之嘉善人萬歷四十四年賜進士  
第一歷官太子太保文淵閣大學士  
滿庭芳次東坡韻  
往事千端閒愁萬斛世情無數嗟峨電光石火變態閱  
來多坐見新亭洒淚空回首麥秀興歌方悟得金羈脫  
去細草落平坡桃源何處是忙呼漁艇來往如梭長  
消受寒蘆皓月銀波更喜蘋香菱熟駕舴艋閒傍蒼河  
何多事羊裘五月江上好披蓑

錢繼登

字龍門嘉善人萬歷四十四年進士官饒州府知府有壑專堂集

浣溪沙

蟬避濃炎靜不譁東憐伊軋線絲車豆棚瓜架野人家  
翠莢嫩堪浮茗氣黃雞肥欲待薑芽閒搔短髮日西

斜

劉榮嗣

字敬仲曲周人萬歷四十四年進士歷官工部尚書有半舫集

長相思

山悠悠水悠悠水遠山長湘渚秋衡陽天盡頭風滿  
舟雨滿舟細雨斜風生暮愁誰登江上樓

魏浣初

字仲雲常熟人萬歷四十四年進士歷官廣東提學參政有四如山樓集

望江南

江南憶佳味憶江鮮  
刀鱗霜鱗婁水斷河豚雪乳福山  
船齊到試燈前

阮大鍼

字集之懷寧人萬歷四十四年進士歷官兵部尚書

減字木蘭花

春光漸老流鶯不管人煩惱  
細雨窗紗深巷清晨賣杏  
花眉峯雙蹙畫中有個人如玉  
小立簷前待燕歸來

始下簾

王坊

字元表江南華亭人萬歷四十四年舉人官信陽州知州

一斛珠

落花

翻空紅雨多隨春信紛紛去  
萬千綠葉無情緒連夜生  
新占盡花開處一霎辭根無定所  
傷心紅粉成黃土  
憐香只有鶯啼樹似勸東風略做些兒主

鄒士奇

字平子嘉興人萬歷四十四年舉人官興國縣知縣

百字令

自述用東坡韻

先生拂袖賦歸來曾見義熙人物  
老去懶搖白羽扇只  
愛青林石壁坐引桐風書研竹露  
詩淨峨眉雪山中皓  
首那知世上豪傑自笑癡興還濃  
紫芝採就高詠林  
間發午後松濤翻雪乳片縷茶煙  
明滅世事如碁臣心  
似水老濯滄浪髮寒梅吹綻一林  
香蒸明月

張名由

字公路嘉定人諸生有張公路集八卷詞附

清平樂

綠楊陰裏桃徑吹紅雨金勒玉驄何處去滿目天涯飛絮  
別離情緒難禁餘香猶在羅襟盡日翠鈿慵整菱  
芳暗襲芳塵

南歌子

新夏

晚霽收梅雨輕陰舞楝花前林煙縷暖殘霞平蕪雙燕  
飛去受風斜  
悵望迷南浦愁心水一涯滿溝新漲透  
伊家不勝聒耳青草有鳴蛙

黃承聖

字奉倩太倉人有蘿窗詞一卷

霜天曉角

春日小窗獨坐聞鷓鴣聲有感

淒涼曉色衣帶雲英濕芳草春來破凍闌干外一痕玳

鷓鴣聲正急綠窗人怨泣休向東皇訴恨狂風在女

牆側

莫是龍

字雲卿以字行更字廷韓江

南華亭人以諸生貢入太學青浦詩傳云雲卿為方伯如忠子幼而聰慧工詩詞又善書畫以貢入太學時稱翩翩往公子王道思贈以詩云風流絕世美何如一  
片瑤枝出樹初畫舫夜吟雨客駐練裙晝臥  
有人書又嘗作送春賦皇甫稱之日以翔  
鸞翥鳳之勢模行云滯雨之情王世貞云若  
阿嬌出長門小玉枕臂掩泣殊不勝情惜勿  
令少年見之年三十而歿

清平樂

春光已半無語空腸斷亭院落花脂粉亂掃却坐來還  
滿玉闌消息難憑機頭錦字初成愁似故園芳草東  
風一夜還生

徐焞 字興公閩縣人布衣有龍峯集

望江南

城上角吹動薜蘿煙別意難忘燈下約歸期空向夢中  
傳消息杳如年孤館客今夕不成眠萬井寒砧敲夜  
月數聲黃葉墜秋天人在碧雲邊

張緯 字韋玉武進人萬歷四十七年進士官左副都御史謚清忠

雙雙燕 秋日過橫山堂

披蓬探隱到幽草溪頭碧陰山曲竹韻松姿媚却吟眸  
詩腹是處翠峯成簇更新秋雨涼如沐深林宛轉芳禽  
淺澗琤琮漱玉孤獨簡編娛目有初佩芳蘭供食茂  
菊藤床閒憩夢入華胥應樂好是月明簾軸恰一枕清  
酣睡足小小花童低報瓦鼎烹茶剛熟

彭紹賢 字孔嘉海鹽人萬歷間官叅將有擊壺集

浣溪沙

曉發離亭春日遲暖風陣陣弄遊絲嫩黃吹上去年枝  
別恨陡隨芳草遠歸心先被杜鵑知落花無賴點征  
衣

吳鼎芳

字凝父吳縣人後為僧號唵覽

梅墩詞話吳凝父有春游曲云雨餘芳草綠新齊亭榭無人綠幕低忽慢好風傳語笑流鶯飛過杏花西則詩亦詞也

惜分飛 閨情

紅界枕痕微褪玉喚起那禁幽獨好鳥啼春足歸期不  
準花鬢卜 盡日眉峯雙凝綠十二繡簾低軸人在  
干曲楊花却羨無拘束

虞美人

海棠不礙臆紗影鬢鞦鴛鴦領繡棚吹落唾花紅但見  
餘香一點裊晴風 柳眠無力輕煙惹春色撩人也羅

衫閒搭畫闌邊日暖融融好箇洗頭天

馬洪

字浩瀾仁和人

有花影集三卷 詞品馬鶴窗善咏詩尤工長短句雖皓首韋布而含吐珠玉錦繡胸腸衰然若貴介王孫也詞名花影蓋取月下燈前無中生有以為假則真謂為實猶虛之意徐伯齡云鶴窗與陸清溪同出劉菊莊之門清溪得詩律鶴窗得詞調異體齊名可謂盛矣

少年遊

弄粉調脂梳雲掠月次第曉粧成鸚鵡籠邊鞦韆牆裏  
半晌不聞聲 原來卻在瑤階下獨自踏花行笑摘朱  
櫻微揜翠袖枝上打流鶯

行香子

紅遍櫻桃綠遍芭蕉鎖窗深春思無聊雙飛燕嬾百轉  
鶯嬌正漏聲遲簾影靜篆香飄 惜月前宵病酒今朝  
有誰知臂玉微銷封題錦字寄與蘭翹恨樹重重雲渺  
渺水迢迢

滿庭芳

落花

春老園林雨餘庭院偏惹蝶駭鶯猜鶯紅嫩白狼籍滿  
蒼苔正是愁腸欲斷珠箔外點點飄來分明似身輕飛  
燕扶下碧雲臺 當初珍重意金錢競買玉砌新栽更  
翠屏遮護羯鼓催開誰道天機繡錦都化作紫陌塵埃  
紗窗裏有人憐惜無語托香腮

東風第一枝

梅花

玉餐香夢雲惜月花中無此清瑩儼然姑射仙人華  
珮明璫新整五銖衣薄應怯瑤臺凄冷自驂鸞來下人  
間幾度雪深煙暝 孤絕處江波流影顛顛也春風銷  
粉相思千種聞愁聲聲翠禽啼醒西湖東閣休說當時  
風景但畱取一點芳心他日調羹翠鼎

施紹莘

字子野青浦人  
有花影詞四卷

青浦詩傳云子野少負雋才作別業于柳上  
又營精舍于西奈極煙波花蘂之美時陳眉  
公居東奈管絃書畫兼以名童妙伎來往嬉  
遊故自號浪仙亦慕宋張三影所作樂府著  
花影集行世

如夢令

日約樓陰初整風暖煙消人靜早起未梳頭閒掃小園  
芳徑清淨清淨只剩數枝花影

浣溪沙

半是花聲半雨聲夜分漸瀝打窗櫺薄衾單枕一人聽  
密約不明渾夢境佳期多半待來生淒涼情況是孤

燈

菩薩蠻

春深加倍心情惡慵歌嬾笑梳粧薄獨自掩窗紗鶯啼  
訴落花 夢回剛拭淚偷立秋千背風起亂紅飛不知

雙淚垂

點絳脣

柳橋次韻

寺枕荒塘時時雪浪吞僧屋橋頭路曲廢井當枯木

如此幽閑恰好閑人宿窗敲竹酒醒茶熟天水鷗哥綠

浣溪沙

月夜

如鏡窺粧逗小樓真珠簾外半痕收倒簪花影上人頭

品得秦箏初度曲花前和露耍鞦韆柳絲濃翠拂鞋

鈎

又

愁臥寒冰六尺藤嬾添溫水一枝瓶亂雞啼雨要天明

等得夢來仍夢別甫能驚覺又殘燈西江別路繞圍屏

謁金門

春欲去如夢一庭空絮牆裏鞦韆人笑語花飛掠亂處  
無計可畱春住只有斷腸詩句萬種消魂多寄與斜  
陽天外樹

滿庭芳 初夏

樹染橙香花燃榴火曲池蓮蓋初張槐陰半畝引起竹  
床涼門靜闌花自落小園中無數新篁凭欄久閑調鸚  
鵡摘葉戲蟾蜍日長真似歲輕施冰簟閒夢羲皇正

孤蟬吟樹乳燕依梁且喜黃梅過也建蘭開蠟芥茶香  
東齋晚一壺村酒新月上松窗

董斯張

字遐周烏程人監生  
有靜嘯齋詞一卷  
柳塘詞話薄上董遐周與周永年茅維為詞  
友周有懷齋詞茅有十齋堂詞而遐周詞  
並不隨人口吻陳黃門大樽謂其風流調笑  
情事如見者也

鵲橋仙

感悟

輕暖輕寒不晴不雨辜負韶光九十落花飛絮兩無情  
仗千尺遊絲作合塗抹東西飄零南北從此扁舟一  
葉夢回始覺未歸休恨一點窺人明月

顧同應

字仲從崑山人萬歷四  
十三年副榜子炎武

柳梢青

螢

六曲窗紗夜涼如許秋在誰家簾外星移屋梁月墮逗  
得些些玉階悄憶年華曾幾照釵橫髻斜長信宮閒  
摩訶池冷光黯秋花

浪淘沙

生小教人憐嬌孽瑤牋春來獨自在窗前謝女簾櫳飛  
柳絮秀句先傳香夢逗春煙一晌畱連吟情多半爲  
花牽還憶從郎徵險韻譜入冰絃

馮盛世

字念羅嘉善人天啓元  
年貢生官鎮海衛訓導

感皇恩

咏鏡

有福其嬋娟相依白首看拂雙蛾似垂柳此中何處有  
個人兒爭瘦笑效顰難效腸迴九春塵飛處有時昏  
黝洗面還同美人鬪芙蓉映入疑是瀟湘清瀏怪東風  
起處吹難皺

范文光

字內江人天啓元年舉人歷  
官僉都御史巡撫川南後殉難死

浣溪沙

再贈梁姬文正

夙世剛修半面緣西風吹上五湖船秋來瘦骨倍堪憐  
癡想只教魂盪浪閒情空對影畱連相思同入藥鑪

煎

孫茂芝

字若英嘉善人天啓元  
年副榜官沔陽州同知

蝶戀花 春暮

柳絮捲將春色去芳草多情別作娛人具寶馬香車忙  
不住鞦韆正在陰濃處 蝶趨蜂交隨滿路畫扇輕衫  
逐處人爭聚若個醒然歸可據酒香一路青松樹

徐石麒

字寶摩青浦籍嘉興人天啓二年進士歷官刑部尚書明亡殉節國朝賜諡忠懿

拂霓裳

望中原故宮錦樹障烽煙驚坐起涼宵夢斷蔣陵前金  
人傾寶露玉女繡苔錢問當筵誰能醉鼓漸離絃西  
臺哭罷三戶裏識遺賢歛皂帽吹簫乞食總堪憐英雄  
身未死屠釣技常連又何顏許青門瓜種故侯田

王屋

字孝峙嘉善人有草賢堂詞十卷

臨江仙

顧四城北新居

獨訪柴門深竹裏板橋流水斜通漁舟泊處暮雲重數  
家橫浦上一徑入煙中 叢木暗妨樵路遠鷺鷥飛破  
霞紅輕雷隱隱小池東藕花鮮着雨菱蔓弱牽風

葉紹袁

字仲韶吳江人天啓五年進士官工部主事後為僧

梅墩詞話葉天寥水部詞偶見其浣溪沙云銀粉畫雲乾蝶夢繡鍼拋雨溼鵲愁冶笑博開雙臉白春愁不上小眉青先輩遂有此新艷過人之句其詞三十三首名遷聊集

水龍吟

寫懷

寂寥蘋渚蘅皋道書讀罷香銷篆松聲入坐藥欄紅亞

美人蕉釧極目平蕪天高水遠蓮歌遊遍且藤壺汲煮  
青衣小袖點取鳳團香片 自把秋棠手洗粉牆西翠  
梳新鈿開簾風動畫屏琴石輕陰滿扇挹酒盈尊摘花  
侵暝夜涼迎面更堪娛又有椒篇絮句麗詞常見

陸錫明 字幼與平湖人天啓五年進士官江西提學副使

點絳脣 琵琶

三尺水絃夜深彈破青天竅意中人杳只有清光到

蘆荻蕭蕭都入相思調愁懷抱嫦娥心照訴與伊知道

江 磨 字元御長洲人天啓七年舉人有寸碧堂集

浣溪沙

薄薄香雲穩稱肩鳳頭剛襯小紅箋  
鳩來堤畔蹋輕煙  
鳥學新聲窺翠幃蝶知芳氣上花鈿  
箇人何處不堪

憐

又 苦雨

宿雨酣花黯未收綠猗新漲小鱗浮  
柳綿欲下不成毬  
飛沫卷珠過水面濕煙拖雨上雲頭  
多情強半為登

樓

一 范 炳 字東生烏程人有范東生集

望江怨

蘭房曉絡繹縑絲聲未了一霎愁多少  
桐陰斜壓闌干

小人悄悄羅幕手慵開惟恐驚棲鳥

汪廷訥 字昌朝 新安人

玉樓春 春懷迴文

畫圖開處飛鶯燕新漲春湖垂柳線架書淹日盡窮搜  
下幃孤坐碁彈倦 面掛簷晴翠山當面如如悟卻忘欣  
厭瀉玉寒泉遶石臺夜中歸鶴樓松院



明詞綜卷五

